

Sabata Ya Nambala

Sevente Ya Daniel

 Yewo, chomene, M'bale Neville. Mlenji uweme, wabwezi. Ndi mwaŵi kuŵaso kuno mu kachisi uyu mlenji uyu, kuti tirutirizge Uthenga ukuru uwu uwo ise tikuyezga kurongsora, iyi *Sabata Ya Nambala Sevente Ya Daniel*. Ndipo ndise wakukondwa kuwona wânandi chomene awo wâwungana pa dazi lakotcha ili, ndipo kweni tikuphepeska kuti tiriye malo ghakukwanira. Kuwona wânthu awo wâfyenyana pamoza ngati ntheura ndipo wâyimilira mumphepete, chikupangiska ichi kuŵa chiweme yayi. Ndipo ntha kuŵa wâkutakasuka umo imwe mukwenera kuŵira, chikupangiska ichi kuŵa chinonono kwa imwe kuti mupulikiske. Kweni ise tichitenge chirichose ise tingamanya kuchita kuti timalizge ichi mwaliwu.

² Ndipo—ndipo, muhanyauno, ine nkhwugomezga kuti imwe, usange ine nkuchedwa pachoko, kuti imwe munigowokerenge ine, chifukwa iyi ndi nyengo ya kukhomrerera ya Uthenga uwu, nyengo yakuti nikhomrerere ichi. Ise taupanga uwu mu vigâwa vitatu mwakuti ise tiwoneseske kuti tapulikiska ichi.

³ Sono, nkhumanya, a—gulu liri kuno likumanya kuti agha, panji Mauthenga agha, ghakujambulika. Ndipo igho ghakutumizgika charu chose zingirizge. Pafupifupi fuko lirilose likupokera matepi agha charu chose zingirizge. Ndipo ine nkukhumba kuti niyowoye ichi ku awo wakupulikizga tepi, kulikose imwe muli, mu chigâwa uli cha charu uko imwe muli, kuti panyake muwenge vinthu vinyake umu ivyo panyake imwe muzomerezganenge nane yayi pa visambizgo ivyo ine—ine nkhusambizga. Kweni ine nkukhumba kuti niyowoye, wâbale, panyake, kuti usange imwe mungamanya kurongsora ichi umo imwe mukachiwonera ichi, ichi panyake chingâwa chakulekana na icho ine nkhwugomezga. Kweni, ine niwenge wakukondwa kutegherezga ku icho imwe moyowoyenge.

⁴ Ndipo chiri na ghanoghano ilo ine nkhwizira na Mauthenga agha, kufuma a...Mazgu gha Chiuta, mu mtima wane. Uwu ngwakuti ungweruske Mpingo, ku Mpingo wose, Mpingo charu chose; Mpingo wa Khristu, charu chose. Ndipo ine nkhwugomezga nadi kuti ise tikuhala mu nyengo yaumaliro. Ndipo kuyezeskanga kwane kuti nirongosore ichi, ndipo kweni ntha kuyezga kupanga ichi, kukankhira ichi, nthowa yimoza panji yinyake. Ine nindasuskiikepo, umo ine nkhumanya, za kuchita icho.

⁵ Nyengo zinandi wânthu wakupulika kufuma pa matepi, ndipo iwo wakuti, “Enya, ine nkhasuskana nacho chira. Iyo

wakuchimanya waka yayi chisambizgo chake, wakulimanya yayi Lembा." Enya, uwo, wose uwo panyake unenesko. Mukuwona? Ine ningayowoya yayi kuti uwo mbunenesko yayi.

Kweni, kwa ine, ine—ine nkhuwazga Ichi, ntha nkutoranga ghanyake—mazgu ghanyake...Ine nkhuwazga icho wānthu wānyake wākuyowoya, ndipo nkhuwawonga iwo. Chirichose icho munyake wakuyowoya, ine nkhuwonga ichi. Kweni pamanyuma—pamanyuma ine nkuchitorera ichi kwa Chiuta, ndipo ine nkukhala nacho ichi mpaka ine ningamanya kuchirongosora ichi, kufuma ku Genesis kufika ku Chivumbuzi, ndipo pamanyuma nkuchiwona chose ichi chalumikizana mu Baibolo. Ndipo pamanyuma ine—ine nkhumanya kuti ichi pamalo panyake pafupifupi ntchaunenesko. Ndipo, nkhumanya, apo imwe mukuneneska, agho ndi malo waka ghamoza apo ine nanguā kumphepete kwa—kwa mzere. Ndipo panyake apo imwe mwanangiska, panji mwaneneska, apo ndipo ine nanguā kumphepete kwa mzere, na kusinthaniskana.

⁶ Mwantheura, ise tikumuwongani mose mwaŵanthu wāweme imwe muli muno mu gulu, mlenji uwu, na kwa imwe mwaŵanthu wāweme imwe mukupulikizga matepi agha. Ndipo ise...Chose icho chachitika, chose ntcha ku Ufumu wa Chiuta. Ine ndiri na wābbezi wānandi wāweme charu chose, awo ine nkhuwawonga chomene, ndipo nkugomezga kuti ine namukhala mu Umuyaya na iwo. Ndipo chiri mu mtima wane yayi kuyezga kuti—kuti niŵapuruske wānthu wāra, mu nthowa yiriyose, kweni kuyezga kufika pa kukwaniriska chirichose icho ine ningamanya kuchita kuti niŵavwire iwo.

⁷ Ine nkhuwona ngati ndiumo Solomon wakachitira para iyo wakaromba, ndipo wakati, wamupe iyo vinjeru mwakuti iyo wangamanya kurongozga wānthu wā Chiuta. Uko ndiko kuromba kwane kwakufikapo.

⁸ Wākovvirana nawo wāne muli muno, kulikose, ine nkhuwona M'bale Mercier, na—na M'bale Roy Borders, na M'bale Neville, na Billy Paul, mwana wane. Gene wali muno pamalo ghanyake, na wābale, Teddy, na iwo. Ine nkhuwawonga wānthu wose aŵa awo wākwiza kuzakandivwira ine.

⁹ Ine nkukumbukira kuno kale chomene yayi, M'bale Leo, a—mboniwoni iyo wakawā nayo; loto, iyo wakalichema ili, usiku umoza para ise tikakumana kakwamba; kuti iyo wakawona piramidi yikuru yakupholika, muchanya nkhanira mu mlengalenga. Ndipo ine nkhaŵa pachanya kula nkapharazganga, pamalo ghanyake, ndipo iyo wakakwera pachanya kuti wawone kuti chose ichi chikawā chivichi. Ndipo para iyo wakati wafika pachanya kula pa kupholika apa, chifukwa, iyo wakati, patali nkhanira mu mawonekeroghakuwāra kwa siliva, panji ngati mbale, ine nkhayimilira, nkapharazganga ku wānthu. Ndipo iyo wakakopa tcheru

chane, ndipo ine nkhalawiska kwa iyo. Ndipo iyo wakati, "Kasi iwe wangufika uliuko? Kasi ine nangufika uliuko?"

¹⁰ Ine nkhati, "Leo, kulije munthu wangamanya kwiza kuno. Chiuta wakwenera kuti wamutorere munthu kuno. Sono, iwe ukwenera kuti wize kuno yayi. Iwe ukwenera kuti ukhire pasi ndipo ukachitire ukaboni ku wantru wara pasi kula, pamanyuma pakuti iwe wachiwona ichi, kuti ndi Unenesko, kuti Uwo ndi Unenesko." Leo wakuwerera wakukhira pasi, kuti wakachitire ukaboni ku wantru.

¹¹ Kasi icho chikachitika pauli, M'bale Leo? Virimika vinandi, chiri kuchitika yayi ichi? Virimika vinandi. Kufumira nyengo yira, umo ine nkhumanyira, iyo wakhala wakugomezgeka mu kuchitanga icho, kuchitiranga ukaboni ku wantru kuti utumiki ukufumira kwa Chiuta. Sono, ndipo ine—ine nkukhumba yayi kuti ichi chifumire kwa ine. Usange ichi chikufumira kwa ine, ipo ichi ntchiweme yayi, chifukwa mulije chiweme mwa munthu. Mukuwona? Ichi chikwenera kuti chifumire kwa Chiuta.

¹² Sono, para ine nkhalawiska zingirizge... Mayiro kumuanya, ine nkakorana chasa na mubwezi wane, M'bale West. Ine nichali nindamuwone iyo, mu nyumba iy; enya, ine namuwona sono, mlenji uwu. Ndipo imwe mukumanya mtunda uwo wantru wara wakwenda pa galimoto, ulendo wose kufuma kusika mu—mu Alabama, wa pa Sabata, kuti wafike kuno, kufuma kusika mu Alabama!

¹³ M'bale Welch Evans, ine nkhamuwona yayi iyo pa Sabata yamarra. Munyake wanguti iyo wanguwa kuno muhanyauno. Wantru wara wakwenda pa galimoto kufuma ku Tifton, Georgia, kuti wize kuno. Ndipo m'bale wakhala apa, awo wakuseweza nawo. Wanandi chomene! M'bale Palmer kufuma ku Macon, Georgia. Ndipo ine nkhuwona, ine nkugomezga, Mlongosi Ungren na iwo kumanyuma kula. Iwo wafuma kutali ku Memphis, Tennessee. Sono, imwe mukughanaghana... Ndipo wanyake kufuma ku malo ghanyake. Nangukumana waka na dona muno wafuma, kutali ku South Carolina.

¹⁴ Sono, imwe mukughanaghana kuti wantru kuno... Ine nalaewisiskanga, kufuma ku Chicago, na malo waka ghakupambanapambana, kutchikanga makilomitazi mahandiredi na mahandiredi, kuti wawepo waka pa chisopo. Ntheura, para iwo wafika kuno, mbwenu palije malo ghakuti wakhalepo. Chipinda chambula vyakuzizimiskira-mphepo; nyumba yakale yakotcha, kuti wayimiliremo, kupuputanga thukuta. Kutoranga ndalama pa thebulo, kufuma ku wana wawo, kuti wafike kuno kuzakapulikizga ku Uthenga ula. Mukung'anamula kuniphalira ine kuti kulije a...kusirya kwa mronga uwu, kumalo kunyake, kuti kuli malo uko iwo wakuruta, limoza la mazuwa agha? Nadi, ghaliko. Uko nkugomezgeka! Wantru wara wakupereka chakhumi. Kuti iwo wakwiza waka yayi, iwo wakwiza na vyakhumi vyawo na zithero, ndipo

ŵakwiza nacho mu nyumba ya Fumu, kuyezganga kuchita icho ntchakwenerera. Chiuta waŵatumbike chomene ŵanthu ūakugomezgeka ngati ŵara! Lusungu lwa Chiuta na uchizi viŵe pa iwo.

¹⁵ Ine nkhuwona mubwezi wane, Charlie Cox, iwo ŵeneawo ūakufuma kusika kumwera mu Kentucky. Ndipo kulikose waka, iwe ulaŵiske zingirizge, iwe ukuwona ŵanthu kufuma ku malo ghakupambanapambana.

¹⁶ Mwanarumi mwanichi uyu wakhala uko, ine ningazunura yayi zina lake. Ine nkhakumana nayo mu Chicago. Kweni iwe ukufumira ku sukulu yinyake ya Baibolo kutali na kuno, kumalo kunyake, ndi ntheura yayi iwe? [M'bale wakuti, "Springfield, Missouri."—Munozgil] Springfield, Missouri; sukulu ya Baibolo ya Assembly of God. Enya. Yewo, ntchiweme. Imwe wonani, iwo ūakwiza waka kufuma kulikose, mu tchalitchi lichoko lakale ili.

¹⁷ Ghanaghanani waka, pakunji, chamudera m'virimika sate vyajumphra para ine nkhawika libwe la pangodya mlenji ula, ine nkhayimilira kudera kula pa Seventh Street, patali kukwana mudadada umoza. Ine nkhawika nindatore nyengo yira, mwanarumi waka mwanichi. Ndipo ine nkhawona mboniwoni ya ŵanthu ŵanandi ndipo ūkazura mwenemula kufuma kulikose. Ndipo ine nkhakondwa chomene, nkhayimilira kumanyuma kwa gome. Ndipo apo ndipo Iyo wakaniphalira ine, "Kweni uyu ndi kachisi wako yayi." Ndipo Iyo wakanikhazika ine kusi kwa mitambo. Ndipo imwe mukuyimanya nkhani yose iyo yiri kulembeka pa pepala la Baibolo liri pa libwe la pangodya kula.

¹⁸ Ine nkhmuwongani chomene mwaŵanthu imwe. Ine ntha...Kuti, icho ntchichoko chomene, kuti—kuti niyowoye waka, "Enya, ine nkhmuwongani chomene imwe." Kweni ine nkhmuromberani imwe. Ine nkugomezga mwa imwe. Ine nkugomezga mu vyakumuchitikirani vyinu nya Chiuta. Ine nkugomezga yayi kuti mwanarumi panji mwanakazi wangamanya kutchika mitunda mahandiredi na mahandiredi kuti wize kuno, kuti ūzakawoneske mtundu wa malaya agho iwo ūavwara. Ine—ine nkhukayika usange iwo ūngachita icho. Yayi. Iwo ntha ūngiza kuno kuti mbwenu ūzakaŵawone waka. Iwo ūakwiza kuno chifukwa iwo mbakukhwaskika na ūakufikapo mu kukhumba chiponosko cha mauzima ghawo. Kuromba kwane nkhwakuti: "Chiuta ndivwireni ine, ndivwireni ine kuti ndiwe waka hafu wa kufikapo kula, kuti niyezge kuŵatumikira iwo na chose icho chiri mu mtima wane, na kukhazganga kwa Chiuta."

¹⁹ Uthenga, imwe wonani, mlenji uwu, wajambulika muno pa bolodi apa. Ichi ntchakuti waka nipange, kuti nirongosore apo ine nkhurutirira, kuti niyezge kupanga kuti panyake mungapulikiska icho ine nkuyezga kuyowoya.

²⁰ Ndipo agha *Masabata Sevente Gha Daniel* ghâwa chisambizgo chimoza chikuru, madazi ghâwiri na mausiku ghâwiri, pafupifupi, ine nakhala, pa umaliro wa sabata iyi kuno, ine nakhala pa ichi, kuyezganga kuti nisange mazgu ghakuti niyowoye kuâwa Unenesko. Ichi chikwenera kuti chiyane na Baibolo lose. Mukuwona? Iwe ungatora waka yayi Ichi, Lemba waka limoza lichoko na kupanga a-chakupulikika, ndipo pamanyuma ukuti, “Enya, ichi ndicho ili likuyowoya,” ndipo pamanyuma ukung’anamuka ndipo ukuti, “Enya, kweni kudera uku Ili—Ili likuyowoya chinthu chinyakeso, likususkana na *ichi*.” Ili lingachita yayi icho. Ili likwenera kuti liyowoye chinthu chenechira nyengo zose. Usange iwe ntha, chifukwa, kuti, mbwenu iwe—iwe ndiwe mutesi. Ndipo umo ndimo ine ndiri kuyezgera kusambizga Ichi.

²¹ Mwakurutilira, pa matepi, pakuâwa uwu uli pa matepi. Kususika kukuru chomene ine ndiri nako pa matepi, kwa âwabile wane uko mu vigâwa vyakupambanapambana nya charu, ndi kugomezganga mu uchizi wa Chiuta, kuti ine nkhusambizga umo ine nkuchitira, kuti, “Ise tikasankhikirathu pambere undâweko mtendeko wa charu.”

²² Wabale wane wâwa Chipentekosite, nkhumanya, ine nkhumanya kuti malingaliro ghinu ghagona pa marango, wonani, ndipo ine—ine nkhumanya ichi ntchakupweteka pachoko ku malingaliro ghinu. Kweni uli iwe, ngati m’bale Mukhristu, uli iwe ulingalirepo waka mwakukwanira kuti ug Wade pa makongono ghako panthazi pa Chiuta, na Baibolo lako, ndipo urombe Chiuta kuti wakurongosolere iwe? Iwe uchitenge icho? Kasi iwe ungatora fundo ya marango na kuyezga kupanga iyi yilumikize kufuma ku Genesis kufika ku Chivumbuzi?

²³ Ndipo, “Mbewu ya serepente,” ndiyo yakukoma; wantru wânanzi wakugomezga yayi icho. Kweni, usange iwe uwâzgenge waka mu Genesis, Baibolo likayowoya kuti serepente wakaâwa na mbewu. “Ndipo Ine niwikenge urwani pakatikati pa mbewu ya serepente na Mbewu ya mwanakazi.” Ipo, serepente wakaâwa na mbewu. Ndipo usange mbewu ya serepente yikâwa yauzimu, ipo Yesu wakaâwa munthu yayi, ipo Mbewu ya mwanakazi yikâwa yauzimu. Iwo wose wakaâwa na mbewu, ndipo urwani uchaliko kula. Serepente wakaâwa na mbewu. Ndipo usange iwe utorenge waka Baibolo lako na kujikhizga na kuâwa wantchindi panthazi pa Chiuta, ine nkugomezga kuti Chiuta wavumburenge ichi kwa iwe.

²⁴ Ndipo usange iwe ukupulikiska yayi ichi, ine ndine—ine niripo, nyengo yiriyose, kuti nichite uweme wane wose kuti nikovwire iwe, mwa kalata panji mwa—panji mwa kukumana taâwene, panji chirichose ine ningamanya kuchita kuti nikovwire iwe. Nkhumanya, ise tikumanya kuti icho chikuponoska munthu yayi, nesi ichi chikumususka munthu,

kweni ichi chikwiziska waka Kuŵara pa chisambizgo icho ise tose tikuyezga mwankhongono chomene kuti tipange âwanthu kuti âwachiwone. Mukuwona? Ichi chikwiziska waka Kuŵara.

²⁵ Sono, ku gulu ilo liri muno, ine nanguyowoya ichi chifukwa matepi, imwe wonani, ndipo matepi agha ghakuruta kose, kulikose.

²⁶ Sono tiyeni tisindamiske mitu yithu pa kanyengo waka, pambere ise tindamufike Chata wa Mazgu agha. Ndipo kasi mbalinga mu gulu ili mlenji uwu mbakusôwerwa, yowoyani waka, "Ine ndine wakusôwerwa. O Chiuta, mundilengere lusungu ine"? Fumu yitumbike. Ndipo kwa iwo wâneawo wâzamkuyipulika tepi, para imwe mukuyipulika iyi, nkhuromba Chiuta wapereke chakupempha chinu.

²⁷ Wadada ñithu Êwakuchanya, ise ndise âwanthu âwakuwonga, kweni âwanthu âwambula kwenerera. Kweni ise tikwiza ku chizumbe Chinu cha uchizi mlenji uwu, chifukwa chakuti ise tachemeka kuti tifike. Yesu wakati, "Imwe rombani Wadada chirichose mu Zina Lane, Ine nichitenge ichi." Sono, ise tikumanya kuti uwo mbunenesko.

²⁸ Ndipo muno mu gulu, na kuwaro mu a—charu uko matepi gharutenge, panyake kwamkuâwa makhami gha masauzandi gha Êwakhristu-âwakubabikaso wâmkuyipulika iyi. Ndipo ise tikumanya, Wadada, kuti para ise tababikaso, kuti mzimu withu ukubabika kufuma Kuchanya. Ndi Mzimu wa Chiuta, Mzimu Mutuâwa, pa ise. Ndipo ise tikumanya kuti Mzimu Mutuâwa yura ndi wankhongono-zose ndipo wangamanya kutichitira chirichose icho ise tikukhumba kuti chichitike. Ipo, Wadada Êwakuchanya, ise tikumurombani Imwe kuti musutulire chipulikano chithu ku Mzimu ula, mwakuti Uwu ungamanya kutivikilira ise mlenji uwu, na ku uchindami wa Ufumu wa Chiuta, vyakupempha vyose ivi na vyakukhumba, mwakuti ise tingamanya kuchizgika ku maurwari ghithu na kukomwa kwithu, mwakuti ise tingamanya kumutumikira Chiuta withu na vyose ivyo viri mwa ise.

²⁹ Jurani makutu ghithu gha kapulikiskiro muhanyauno, ndipo apo ine nkhuvezga kwiza na fumbo likuru ili, na kurongosora ichi mu malingaliro gha âwanthu. Sono, ine ndiri nacho ichi nalemba apa, Fumu, pa pepala, ndipo kweniso najambula pa bolodi ili, chithuzithuzi ichi, kweni kwathunthu wambula kukwanira kurongosora ichi. Sono ise tikuchema pa Imwe, Bwana mukuru Uyo wakalemba Mazgu, Uyo wakaghakhuâwirizga Igho, Uyo wakapereka Ichi kwa muprefeti Daniel. Ndipo ise tikuromba kuti Imwe mutume ukhuâwirizgi mlenji uwu, mu mazuâwa agha ghaumaliro, umo Iyo wakayowoyeru kuti Buku lizamujarika mpaka nyengo iyi, kuti Imwe mujurenge kapulikiskiro kithu. Ndipo nkhuromba muwe chipulikano cha kunyonyofoka mu mtima withu icho chizomerezgenge Mazgu ghasange chikhazi na Umoyo, na

kupambika makuni gha urunji mu maumoyo ghithu, icho Igho ghakukhumba kuchita. Chipulikano chithu mwa Chiuta, mphanyi ichi chititorere icho ise mlenji uwu. Pakuti ise tikulindizga mwakujikhizga sono, ndipo tikuji patulira tawene kwa Imwe, mu Zina la Yesu Khristu. Amen.

³⁰ Sono, ise ndise wakuwonga chifukwa cha mlenji uwu, chifukwa cha mwaŵi ukuru kamozaso kuti tijure mapeji agha gha Mazgu Ghamuyirayira gha Chiuta.

³¹ Sono, chifukwa icho ine nachitorera pa ndamwene kuti niyezge kurongosora ichi, ndi chifukwa chakuti ise tikwenda mu Buku la Chivumbuzi, ndipo ise tafuma waka mu miwiro ya mpingo. Ndipo, ntheura, pa umaliro wa chipatulo 3 cha Buku la Chivumbuzi, Mpingo watoreka kufuma pa charu chapasi, waruta kuchanya mu Uchindami. Ndipo ine nkhuzezga, na mtima wane wose, kuti nipereké ichi ku wānthu, kuti iwo wākukhazga chinyake kuti chichitikenge, icho iwo wākuwona chalembeka mu Buku la Chivumbuzi, apo ichi chikawīkikamo yayi mu muwiro wa mpingo. Ndipo ise tiri kufupi ku umaliro kuruska umo imwe mukughanaghanira.

³² Mausiku ghachoko ghajumphra, Billy, wane... Panji, mukamwana wane, mphanyiko, wakanifonera ine, mkatı mwa usiku, ndipo wakati kukaŵa munthu wakuthyika Andy Herman, uyo ndi muvyara wa ine, wakaŵa chigonere, wakafwanga mu chipatala. Ine nkharuta kukamuwona iyo. Iwo wākamukomora iyo, ine... chomeniko, mwakuti iyo wakaŵa mutulo, ndipo ine nkhatondeka kumuyowoyeska iyo. Mlenji wakurondezgako... Ine nkharomba Chiuta kuti wamusunge iyo wamoyo mpaka ine ningamanya kumuyowoyeska. Andy ndi munthu muweme, kwensi iyo wakaŵa waka Mukhristu yayi. Iyo ndi sibweni yayi; iyo ndi muvyara, wali kutora muvyara wane.

Ndipo pamanyuma para Ankhazi a Ade wākati wāniphalira ine, chiyimilire kula, iwo wākati, "Billy, virimika vyose ivi eyite vyā umoyo wake, iyo wandamutumikirepo Chiuta. Kwensi," wakati, "masabata ghachoko ghajumphra iyo wakaŵa chikhaliire mu nyumba..." Iyo, virimika eyite vyakubabika, nkhumanya, iyo wakugwira ntchito zinandi yayi za mawoko. Kwensi wakati...

Iyo wakamuchema iyo ndipo wakati, "Ade, iwe ukumanya kasi? Khristu wangwiza panthazi pane apa, maminiti waka ghachoko ghajumphra."

Iyo wakamulawiska iyo, wakati, "Andy, kasi—kasi... Kasi wachitika uli?" Iyo wakati...

Iyo wakati, "Palije. Iyo wanguyimilira nkhanira apa panthazi pane, ndipo Iyo wanguyowoya chinyake."

Wakati, "Kasi Iyo wanguyowoya vichi?"

“Nyengo yamara chomene kuruska umo iwe ukughanaghanira.”

³³ Mu masabata ghachoko kufuma nyengo yira, masabata ghaŵiri panji ghatatu, iyo wakachita stroku ndipo wakaŵa chigonere uko wakupendera mu chipatala, wakafwanga. Ine nkhati, “Ankhazi a Ade, soni kwa imwe pa chifukwa cha kuleka kunifonera mayiro panji munyake, kuti niŵike mtima wake mu kaŵiro pa ora ili apo iyo wafika sono.”

³⁴ Ine nkharomba Fumu, mlenji wakurondezgako, para ine... Iyo wakayowoyanga yayi, ntheura ine nkhamufumba waka iyo. Ine nkhati, “Kasi iwe ukunipulika ine, Sibweni Andy?” Ndipo iyo—iyo wakamanyanga kukuntchira mutu wake pachoko na kwendeska mihlati yake. Ine nkhamurombera iyo, nkhamufumba iyo kuti wavumbule zakwananga zake panthazi pa Chiuta. Ine nkakhumba kuti nimubapatzize iyo, ndipo Ankhazi a Ade ūwakakhumba kuti ūwabapatzizike.

³⁵ Ndipo ine nkharuta kusika ku holo, kuti nkhwone dona mwanichi uyo wakukhala mu chigaŵa ichi kuno uyo iwo ūwakati ūwamutumenge ku chipatala cha ūwakuzweta mitu, ndipo Fumu yikamuchitira chinthu chikuru iyo, wakiza kunyumba.

Ntheura, pa ulendo wakuruta, ine nkakumana na mlongosi mufipa, ndipo iyo wakati, “Ndiwe M’bale Branham yayi iwe?”

Ine nkhati, “Ndine.”

Iyo wakati, “Iwe wanikumbukira ine? Ine ndine Mrs. Drye.”

³⁶ Ndipo ine nkhati, “Enya, ine nkugomezga nakumbukira. Pete Drye na iwo.” Ine nkhati, “Enya, ine—ine nakukumbukira iwe” Iyo wakalaŵiska mu chipinda, ndipo para ise tikati tachita... Ine nkazizwa chifukwa icho iyo wakayowoyer a ntheura. Ndipo, kula, Sibweni Andy wakaŵa kuti wawuka pa bedi, ndipo wakakhazikika kula, kwendeskanga manja ghake na mawoko ngati munyake waliyose, kuyezganga kuti wakore chinthu, chinthu cha bedi pasi, mwakuti iyo wangamanya kufumapo para na kuruta. Sono iwo ūwakwiza kuzakabapatzizika mu Zina la Fumu Yesu, iyo na muwoli wake.

³⁷ Ntheura, kweni chifukwa icho ine nkayowoyer a chira, nyengo yamara chomene kuruska umo ise tikughanaghanira. Ndipo ine nkugomezga kuti agha *Masabata Sevente Gha Daniel* ghaziskenge ichi ku kapulikiskiro kithu.

³⁸ Sono, ūwabale ūwithu ūwanandi ūa Chipentekosite, cheneicho ine nanguyowoya kukwambilira pa tepi, kuti iwo ūwakususkana nacho Ichi. Iwo ūwakulindizga chikuru, chinthu chinyake chankhongono kuti chichitike. Ndipo, ūwabale ūwane, usange imwe mutegherezgenge mwatcheru chomene, ndipo ntha...na kutegherezga, imwe musangenge kuti chikuru chira, chinthu chinyake chankhongono chiri kuchitika kale. Yesu wali pafupi kwizaso.

³⁹ Mpingo ukuruta pa chipatulo 3 cha Chivumbuzi. Palije chinyake chayowoyeka mwenemula za chinyake chirichose, kweni chinthu waka chaumaliro chikaŵa thenga laumaliro la muwiro. Pamanyuma, ise tikuchita na Wayuda mpaka para wakwizaso na Mkwatibwi, mu chipatulo 19. Kufumira chipatulo 6 kufika 19 chose ndi Wayuda.

Uko ndiko ine nkhukhumba kuti ndifike m'bale wane muweme kudera uku mu Vididimizgo ivi, M'bale Wood, uyo pakudanga wakaŵa wa Mboni za Yehova, iyo na banja lake lose, wali muno mlenji uwu, kuti wara “handiredi na fote-foru sauzandi” ntha wakaŵa, wakaŵa na chakuchita chirichose na Wayitundu. Iwo ndi Wayuda. Mukuwona? Ndipo ndi Thupi lamchindindi yayi la Khristu mu charu chapasi muhanyauno.

Mkwatibwi ndi Thupi lira lamchindindi. Mwa Mzimu Mutuŵa ise tikubapatizikira mu Thupi lira lamchindindi.

⁴⁰ Sono, ise tikumanya kuti mu Buku la Daniel umu, uko ise takhala tikuŵazga, ise tiwazgengeso waka chifukwa ndi Mazgu Ghake. Mu chipatulo 9 cha Daniel, vesi 24.

Masabata sevente ghamikikira pa wantru wako na pa msumba wako utuŵa, kumalizga majuvyo, . . . kupanga umaliro wa kwananga, na kuphepeskera uchikana marango, na kwiziska urunji wamuyirayira, na kudidimizga mboniwoni na uchimi, na kuphakazga Utuŵa chomene.

Vesi 25, “Ndipo ntheura manya na kupulikiska, kuti kufuma . . .” Sono, icho ndicho ise takhala tikuyowoya, ndipo ise tikamalizgira pa icho pa Sabata yamara usiku, “kuphakazga Utuŵa chomene.” Apa ndipo ise tiyambirenge mlenji uwu, pa vesi 25. “Ndipo ipo . . .”

Ntheura manya na kupulikiska, kuti kufuma pa kuyowoyeka kwa languro kufika ku kuwezgereska na kufika ku kuzengaso Yerusalem (uwo ndi “msumba wako utuŵa,” wonani) kufika ku . . . Mesiya Kalonga pazamkuŵa masabata seveni, na matwente ghatatu na masabata ghawiri: ndipo msewu uzamuzengekaso, na viliŵa, ndipo nanga ndi mu nyengo ya masuzgo.

Ndipo pamanyuma pa matwente ghatatu na masabata ghawiri Mesiya wazamudumulikako, kweni chifukwa cha iyomwene yayi: ndipo wantru wa kalonga awo wazamkwiza wazamkuparanya msumba na kachisi; ndipo umaliro wake uzamkuŵa na chigumula chikuru, ndipo kufika ku umaliro wa nkhondo mipasuko yaŵamikikira.

“Ndipo . . .” Sono, kumbukirani, uwo ndi umaliro wa nkhondo. Ise tiri nacho ichi pa bolodi apa. “Ndipo,” sono ise tikwamba chinthu chinyakeso.

Ndipo iyo wazamukhozga phangano na wānandi mu sabata yimoza: ndipo mkatikati mwa sabata iyo wazamupangiska sembe na kupereka sembe kwa dazi lirilose kumare, ndipo chifukwa cha kwandana kwa ukazuzi iyo wazamkupanga ichi mupasuko, nanga nkufika ku kuperanyika, (ndikokuti, vyose), ndipo kumikikira kula kuzamkuvumbukwira pa mupasuko.

⁴¹ O, chisambizo uli! Ine nkayowoya kwa muwoli wane dazi linyake, “Ine nkhumanya yayi usange wānthu wākulupulikiska nadi ichi.” Sono, ine nkukhumba kuti imwe mupulikiske ichi. Ntha... Usange imwe, ise tikwenera kutandala pano dazi lose, kutandalira waka. Sono, ise—ise—ise tikukhumba kuti tichipulikiske ichi. Mukuwona? Ise—ise tikukhumba kuti timanye kuti uwu ndi Unenesko. Ndipo, imwe, usange imwe mungachiwona waka ichi! Ndipo ine nifumbenge, panyake...

⁴² Ndipo ntheura, pamanyuma, ine nichilekenge apa chithuzithuzi, ndipo imwe—imwe mungamanya kujambula ichi, pamanyuma. Fikani kuno kumuanya uku, nyengo yiriyose imwe mukukhumba, ndipo mujambule vithuzithuzi na vinyake ntheura. Ichi chimovwireninge imwe kupulikiska. Ndicho chifukwa ine nanguwika ichi apo, mwakuti imwe mungamanya kupulikiska ichi.

⁴³ Sono, tiyeni tiwerezgepo pachoko waka mwakuti ise tingamanya kuwa na pakwambira. Sono kukaŵa... Daniel wakakhwaskika chifukwa cha wānthu wāke, chifukwa iyo wakawazga Yeremiya muprofeti, ndipo wakapulikiska kuti Yeremiya wakayowoya kuti iwo wāzamkuŵa mu umikoli virimika sevente. Ndipo ntheura, iyo wakawona kuti iwo wakaŵa kale mu umikoli virimika sikisite-eyiti, ntheura iyo wakamanya kuti nyengo yikaneng’enera. Ntheura iyo wakaŵika kumphepete ntchito yake yose, wakalekezga, umo kukaŵira, vyakumutchinga via ntchito zake zose za dazi lirilose. Wakarazga chisko chake kwa Chiuta, wakavwara chiguduli na vyoto, ndipo wakaziŵizga na kuromba, mwakuti iyo wangamanya kupulikiska apo nyengo yira yizamkuŵirako. Pamanyuma ise tikusanga kuti, ngati ndiumo ine nanguyowoyeria kale...

(Uli iwe utembenure icho, uchirazgiskire kudera *uko*, pachoko waka?) Chakukupizgira mphepo, chikupukusa waka chomeniko pachoko. Ichi chikunigoteska mazgu. Ntheura... (Yewo, m'bale.)

⁴⁴ Sono, kuti ise tikusanga kuti, Daniel, iyo wakakhumbanga nkhanzi iyi kuti wānthu wāke wāmanye. Ndipo ine nkughanaghana, usange Daniel, kuŵazganga wāprofeti awo wakaŵako pambere iyo wandaweko, ndipo wakaŵa na mtundu uwu wa kapulikiskiro, kuti iyo wakaŵa kufupi ku umaliro, ndipo wakapenja Chiuta, kuti wamanye kasi umaliro ukaŵa kufupi uli; ntheura ine nkughanaghana kuti ise tarunjiskika,

pa kuwona kuti ise tiri ku umaliro kwa ulendo sono, nthia tivware viguduli na vyoto, kweni tivitaye kutali vinthu nya charu, na vichitochito vinthu nya umoyo uwu; na kumupenja Chiuta, kuti timanye kasi ndi dazi uli la chirimika ilo ise tirimo, chifukwa ise tikuwona kuti tiri ku umaliro, ndipo ntheura mwakuti Mpingo uziwizge na kuromba na kuwa wakunozgeka. Ndicho chifukwa ine nayeza kuwika ichi pa ndamwene . . . Kwambula kumanya umo ningarongoslera ichi, chifukwa ine niri kuchijumphira ichi nyengo yiriyose, ndipo nkhati, "Masabata sevente agho gha Daniel," chifukwa ine nkachipulikiskanga yayi ichi. Ndipo ndicho chifukwa ine nachiwika ichi pa ndamwene sono, kuti niyezge kuchirongosola ichi. Ndipo ine nkugomezga, mwa kovwirika na Fumu, ine ningamanya kuchita ichi mwa uchizi Wake, kuti nichitorere ichi ku malo, kumuwoneskani imwe umo ise tiliri kufupi ku Kwiza kwa Fumu.

⁴⁵ Sono, Daniel wakaŵa waka mu virimika viŵiri. Ntheura ise tikusanga, kuti, apo iyo wakaŵa mu kuromba, Mungelo, Gabriel, wakachimbilira kwa iyo; ndipo nthia wakamurongoslera waka pera apo wānthu ūake wāzamufumiramo mu umikoli, kweniso, ntheuraso na, vyose ivyo vikamikikira wānthu ūake, vyose ivyo vikakhala vya wānthu ūake. Iyo wakati, "Pali masabata sevente agho ghakhalako kwa Muyuda."

⁴⁶ Ntheura, ise tikusanga, kuti Iyo wakaŵa na chakulinga chakumasuka m'vigâwa sikisi. Ndipo chimoza cha ivi, chikâŵa chakuti wamalizge kujuvya; na—na kupanga umaliro wa kwananga; kuti wapange chakuphepeskera uchikana marango; kwiziska urunji wamuyirayira; kudidimizga mboniwoni na uchimi; na kuphakazga Mutuŵa chomene.

⁴⁷ Ndipo ise tikatora, pa Sabata yamara mlenji, Daniel mu kaŵiro kake kusika kula, wakuromba. Pa Sabata yamara kumise, nkhperekwa Malemba, mwakuti wānthu ūangamanya kuwazga ichi para iwo wāfika kunyumba. Kasi imwe mukawazga ichi? Kasi imwe mukachitemwa ichi? Nawonga!

⁴⁸ Sono, chakulinga chakumasuka m'vigâwa sikisi. Ndipo ise tikusanga kuti, pa chakulinga cha m'vigâwa sikisi ichi, "kuphakazga Mutuŵa chomene," ise tikusanga kuti "Mutuŵa chomene" nyengo zose ukayimira Tchalitchi, Kachisi. Ndipo chinthu chaumaliro chikenera kuti chichitike, chikâŵa kuphakazga Mutuŵa chomene, uyo ndi Kachisi wa mu Muwuso uyo Iyo wazamukhalamo mu nyengo ya Muwuso, umo ise tizamukhalanga.

⁴⁹ Sono, muhanyauno, sono ise tikusenderera ku, "Kasi masabata sevente ndi vichi?" Ndipo ichi ntchigâwa chakuzirwa chomene, masabata sevente.

⁵⁰ Sono, ise tikumanya kuti Malemba ghangateta yayi. Igho ghali na Unenesko. Ndipo usange Mungelo uyu Gabriel wakiza ndipo wakamuphalira Daniel kuti kwakhala waka masabata

sevente pera kuti Wayuda... Sono, ise tingamanya kuchiwika icho ku dazi la sikisi... panji sabata ya mazuwa seveni. Kweni, mu uchimi ichi nyengo zose chikuperekeka mu ntharika.

⁵¹ Ndipo mwantheura, kwambula nkhayiko kuti kale mu muwiyo, mukaŵa wanthu mahandiredi kwandaniska na mahandiredi, wakusambira, wanthu wakukwana, kuyezganga kuti warongosore icho ghakaŵa masabata sevente agha. Ndipo ine niri kuŵazga ndemanga zawo zinandi pa ichi. Ndipo ine nkhumuwonga chomene Mr. Smith, wa mpingo wa Adventist, pa fundo zake. Ine nkhumuwonga chomene Dr. Larkin, pa fundo zake. Ine nkhuŵawonga chomene wakusambira wakuruŵakuru wose aŵa, chifukwa cha fundo zawo pa ichi. Ndipo mu kuŵazga izi, ichi chikuningweruska chomene ine, kuti ine nkhumanya kusanga malo agho ghakuwoneka ghaneneska. Kweni kuti nitore fundo izo ine—ine nangughanaghana kuti nkukhumba kuti nirongosore, ine nkhapenja mu enisayikulopedia, za “nyengo,” kuti nimanyi icho “nyengo” yikang’anamuranga.

⁵² Ndipo ise tikusanga kudera uku, ise tiri na “nyengo, nyengo, na kugaŵikanga kwa nyengo.” Nyengo ndi vichi? Sabata ndi vichi? Sono, apo ndi firi sauzaudi, virimika foru handiredi na sate vyajumpha, kufumira apo ichi chikachitikira, kufumira apo Chiuta wakayamba kuchita na Muyuda; vinandi, virimika vinandi vyajumpha. Daniel wakaŵako B.C., ndipo nyengo yira yikaŵa B.C. 538, virimika 538 pembere Khristu wandawéko, para iyo wakati wayowoya ichi pa “nyengo, nyengo, na kugaŵikanga kwa nyengo.” Ndipo, masabata sevente, lawiskani uko masabata sevente ghakamanya kumutorera iyo. Chifukwa, iyo wakaŵa ndithu mu Babulone, mu masabata sevente, ndipo kweni Chiuta wakamuphalira iyo kuti yira yikaŵa nyengo yose iyo yikamikikira pa wanthu wake.

⁵³ Sono, mpingo wane kuno ukumanya kuti mu virimika vyose ine nakhala nkhumuphalirani imwe, “Usange imwe mukukhumba kumanya kasi ndi dazi uli la sabata, lawiskani pa kalendara. Kweni usange imwe mukukhumba kumanya nyengo iyo ise tikukhalamo, wonani Wayuda.” Ndiyo yekha koloko yiriko. Chiuta wakaŵagawira yayi—wakaŵagawira nyengo yayi Wamitundu; kukaŵavye m’pata wapadera wa nyengo. Ndipo apo ndipo ine nkughanaghana kuti walembi wānandi wakuruŵakuru wakatimbanizgira ichi, ndipo wakayezganga kuŵika ichi kwa Muyuda na Wamitundu, chifukwa Iyo wakati, “Wanthu wako.” Kweni Iyo wakayowoyanga kwa Daniel, ku Mpingo yayi; wanthu wa Daniel, Muyuda. Usange Iyo wakayowoyanga ku Mpingo, imwe mungapanga yayi ichi kufika kulikose; imwe muli—imwe muli kumanyuma chomene, nanga ndi pambere Khristu wandafike. Iyi yingamanya kumalira mu mtundu uliwose wa masabata gha uchimi agho imwe mukakhumbanga kuti muŵikemo iyi. Iyi yamala kale. Kweni

Iyo wakayowoyanga ku ÎWayuda, ipo mwantheura Muyuda ndi koloko ya Chiuta.

⁵⁴ Imwe mukukumbukira kuno, kale chomene yayi, para M'bale Arganbright, wa ku California, purezidenti wachiwiri wa International Full Gospel Business Men's Association, wakiza ku nyumba kwane ndipo wakiza na a-tepi; ndipo ntha tepi, kwensi a-filimu ya vithuzithuzi, iyo iwo...ya *Maminiti Ghatatu Kufika Pakati Pausiku*. Yira yikatoreka pa kafukufuku wa sayansi. Para ine nkhati nawona ÎWayuda wara âwakuwerera âwakunjira, âwakuwerera âwakunjira mu Yerusalem, ine nkizza kuno pa kachisi, ndipo ine nkhati, "Ine nkhuwona ngati kuti nkhaâwa na kuperenduka-kwachiwiri." Wânandi wâ imwe mukukumbukira icho. Ine nkhati, "Kuwona ÎWayuda wara âwakuwerera!"

Yesu wakayowoya, mu Mateyu chipatulo 24, "Para imwe mukuwona khuni la chikuyu likuphukâ mphukira zake." Imwe mukumanya icho tikhazgenge, wonani, ÎWayuda âwakuwerera!

⁵⁵ Sono, ine niri na ndemanga zinyake pachoko nalemba apa. Ine nkukhumba kuti niziyowoye izi. Sono, sono, ine ndi—ine nifwasenge, mwakuti imwe namwe mungamanya kulemba ivi. Sono, chose ichi chikuchitika, ivi...Sono ise...Mu nyengo iyo ise tirimo sono, chose ichi chikuchitika ku...Ndi Chiyuda; chirije chakuchita na Mpingo, ng'o. Chirichose kufumira Chivumbuzi chipatulo 3, kurutirira kufika 19, chirije chakuchita chimoza na Mpingo. Imwe mungapanga yayi ichi chipulikikwe makora. Ichi mulije mula.

⁵⁶ Sono ine nkukhumba kuti nirongosore umo ine nkachisangira ichi. Sono, pa bolodi, wânandi wâ imwe muwonenge kuti ine niri na chakujambula, nagâwa zinyengo, umo kuti ichi chikufikira mu nyengo, mwakuti ichi chingamanya kupangika mwakuti waliyose wangamanya kupulikiska. Kasi imwe...Imwe mukuchiwona yayi ichi kufumira kumanyuma, ine nkhusachizga, ntcha tumalemba tuchokotuchoko chomenene. Ndipo uko ndi kulemba kwa Becky. Ine nangughanaghana...Ndipo, chithuzithuzi icho, ine nanguâwa na chinyake chiheni kuruska icho. Kweni, Becky wangujambula icho, cha chikozgo cha loto la Nebukadinezara. Ndipo ine nkughanaghana kuti ichi chikuwoneka chomene ngati msungwana, Becky, kuruska mawonekero gha mwanarumi. Kweni, munthowa yiriyose, ichi ndi—ichi chitipenge nkhani, iyo ise tikukhumba.

⁵⁷ Sono, usange ise tikuâwazga mu Baibolo kuti pali masabata sevente ghamikikira pa wânantu, sono, m...chirije chakuchita na Mpingo. Masabata sevente ghalije chakuchita na Mpingo. Usange imwe mukuwona apa, pa chakujambula, ine niri na muwiwo wa mpingo pakatikati mu masabata ghara sevente.

⁵⁸ Ise tiri nacho ichi pano. M'bale munyake kusika mu Georgia wakatijambulira ise kuno, apo ise tikajumphanga mu miwiro ya mpingo. Ndipo ise tikusimikizga kuti tingamanya kupulikiska icho ichi chikung'anamura. Katuŵa aka mu mpingo umu, icho chikung'anamura kuti wose ukaŵa wa chipostoli. Ndipo ntheura mu muwiro wa mpingo wachiwiri, iwo ūkakaŵa na chisambizgo cha Chinikolayiti, panji, iwo ūkakaŵa na milimo ya Chinikolayiti; icho chikaŵa chindazgoke kuŵa chisambizgo. Muwiro wachitatu wa mpingo, ichi chikazgoka kuŵa chisambizgo. Ndipo mu muwiro wachinayi wa mpingo, uwu ukapanga bungwe, ndipo ukaŵa ulamuliro wa papa wa Chiroma. Ndipo mu a—muwiro wa mpingo wachinayi, yira yikaŵa miwiro ya mdima.

Imwe wonani, mdima wose pa yira ukuyimilira Chinikolayiti, panji Chiroma. Kamalo katuŵa kakwimilira Mzimu Mutuŵa, Mpingo. Ndipo, umo ukayambira mu nyengo ya Paulos Mutuŵa, Mpingo wose wa chipostoli ukazuzgika na Mzimu Mutuŵa. Pamanyuma ūwapachanya ūkayamba kwizamo. Paumaliro iwo ūkasasazgana ndipo ūkakapanga mpingo wathunthu uphya kufuma ku ichi. Ndipo kampingo waka kachoko kakawotcheka, na kubwanyika na mawe, na kuryeskeka ku nkaramu, na chinyake chirichose.

⁵⁹ Mu kunozgaso vinthu kukiza Lutera, ungweru pachoko, imwe wonani. Mu mazuŵa gha Wesley, wakiziska ungweru ukuruko pachoko ntheura. Kweni mu muwiro wa mpingo waumaliro umu, muwiro wa mpingo wa Chinikolayiti, uwo ndi muwiro uwo ise... Wa Chinikolayiti yayi, kweni Laodikeya, uwo ndi muwiro uwo ise tirimo. Imwe wonani, muli Ungweru unandi chomene yayi.

⁶⁰ Munyake, para iwo ūkati ūwawona chakujambula cha ichi kunena kula, wakati, “Soni pa iwe, M'bale Branham! Nyengo yikuru iyi ya kungweruskika!”

Ine nkhati, “Ine ningalirenge, para ichi wachiwoneseska...” [M'bale Branham wakupumulira—Munozgi] “Icho ntha chikuchitira ichi urunji; para imwe mwaŵa ūtuŵa nadi mu mtima, ūkubabikaso na Mzimu.” Kumbukirani, uwu ukaŵa muwiro wekha pera wa mpingo uko Khristu wakaŵikika kuwaro kwa Mpingo wake Yekha, pa yose yira. Ise tikujinenerera chomene, kweni kasi ise tiri nacho, ndicho ise tikuyowoya. Kasi Khristu walimo nadi mu mpingo? Uwu uŵenge uchoko chomene mu chiŵerengero.

⁶¹ Sono, sono tiyeni tirongosore masabata sevente gha Daniel. Sono ine panyake niwerezgeposo apa; ūpharazgi ūa Ivangeli, usange imwe mukususkana nacho ichi, viri makora. Igho ghali kugaŵika mu nyengo zitatu, umo ise tikuchisangira mu Daniel 9. Nyengo zitatu. Yakudanga, nyengo ya masabata seveni; pamanyuma ya matwente ghatatu na ghawiri, cheneicho ndi

sikisite-thu; ndipo pamanyuma nyengo ya sabata yimoza. Iglo ghali kugawika mu nyengo zitatu zakupambanapambana.

⁶² Sono, ine nachigaŵa ichi apa pa bolodi. Nyengo yakudanga; nyengo yachiŵiri; ndipo ku kapulikiskiro kane, mwa Ivangeli, mwa Mzimu Mutuŵa, kuti, nyengo yaumaliro, Chiuta wakuwereraso kwa Muyuda.

⁶³ Sono, ise tikumanya, kwizira mu Maivangeli ghose, kuti Paulos wakasambizga, na wanyake, kuti Chiuta wazamuwereraso kwa Muyuda. Enya, ntheura, usange Iyo wazamuwereraso kwa Muyuda, kasi ise tichiŵikenge uli ichi ku nyengo ya Daniel? Ise tikwenera kuti tichiŵike ichi mu muwiro uwu waumaliro. Ndipo ndi para Mpingo Wamitundu waruta, chifukwa Iyo wakuchita na Israel ngati fuko, ise ngati munthu payekha.

⁶⁴ Sono, ine ndiri na vyakulemba vinyake apa ivyo ine nkhukhumba kuti niŵazge apo ise tikurutirira. Sono:

...mu kuyowoyeka kwa languro la kuzengaso
Yerusalem...

Cheneicho, pakawâ pa dazi la 14 wa Marichi. Usange munyake wa imwe wakukhumba kuti walembe icho, mu Chihebere imwe muchisangenge ichi chikuchemeka *N-i-s-a-n, Nisan*, cheneicho chikung'anamura "Marichi." Nkhani yikaperekka pa dazi la 14 wa Marichi, b.c. 445, nkhani yikayowoyeka yikaŵa yakuzenga, kuzengaso tempile. Imwe mukupulikiska ichi, umo imwe mwaŵanthu mwaŵazgira Malemba. Kufikira kuti uyu wakamalizgika, ichi chikatora virimika fote-nayini kuti wâmalizge tempile na msumba, kuwuzengaso uwu. Ndipo umo Baibolo likayowoyerapa, Daniel wakuyowoya, panji Mungelo kwa Daniel, kuti:

...a viliŵa, ndipo ili lizengekenge mu nyengo ya masuzgo.

Ndipo wânandi ūa ise tikukumbukira, apo ili likazengekera, iwo wakawâ na chikombore chanjerwa mu woko limoza na lupanga mu linyake, kukhala tcheru kwa murwani. "Ndipo ili lizengekenge mu nyengo ya masuzgo."

⁶⁵ Ntheura, apa ndipo ine nkhuchisangira icho, kutoranga madazi ghane. Sono, ise tiri na ghaŵiri, makalendara ghatatu ghakupambanapambana. Ise tirute kumanyuma ku kalendara yakale ya wâmanyenyeyezi, ndipo ise tikusanga kuti mu kalendara ya Julian muli firi handiredi, sikisite-fayivi na kota wa dazi mu chirimika. Iwo wakupima icho pakugwiriska ntchito kujumpha kwa Sardisi na nyenyezi zakupambanapambana, na vinyake ntheura. Iwo wakupima ichi. Sono ise tikusanga, mu kalendara wa Chiroma uyo ise tikugwiriska ntchito sono, mazuŵa firi handiredi na sikisite-fayivi mu chirimika, mwa kalendara. Kweni mu Chikhristu, panji kalendara ya uchimi, ise tikusanga kuti muli mazuŵa firi handiredi na sikisite pera mu

chirimika. Sono, imwe panyake mungazizwa umo nthimbanizgo iyi yikwizira.

⁶⁶ Sono, ichi ine ningamanya kuyowoya ngati ndine nkhuyowoya. Ine nkugomezga kuti kale pambere charu chakale chindaparanyike, kale mu mazuwa gha Job, na ghanyake nttheura, kuti iwo wakasunga nyengo pakugwiriska ntchito nyenyezi. Ndipo ise tikuphalirika, panji kale pambere yindafike nyengo yira, kuti charu chikimilira mwakunyoroka. Ndipo pamanyuma mu kwananga kwa munthu, kuthereskeka kwa charu, ndipo ichi chikasendemuka ndipo kusefukira kukiza, mwitheura ise tiri na ayisi munandi wakulundana, na vinyake nttheura, ndipo pachanya pose na kusi kwa charu nkhwakuzura na ayisi. Ise tikumanya icho. Ndipo charu ntchakuyima mwakunyoroka yayi. Ichi ntchakusendemuka. Chira chikachisunthira kuwaro kwa uko mwezi na nyenyezi, uko ivi vikalazga, ndipo chikatimbanizga nyengo yira. Panji—panji, imwe mungasunga yayi nyengo pakugwiriska ntchito ichi munthowa yiriyose, chifukwa ichi chiri kukhala mwakusendemuka, chiri kugenukira kumanyuma. Ipo, ichi chingazirondezga yayi nyenyezi zira pa nyengo yakuyana, chifukwa ichi ndi—ichi chafumapo pa malo ghake ku nyenyezi zira. Imwe mukupulikiska? Ine nkugomezga icho ndicho chiriko.

⁶⁷ Ichi ntchakugenukira kumanyuma mu kaŵiro kala. Ndipo icho chikuwoneska waka kuti ichi ndi chigâwa waka cha nyengo. Mukuchiwona yayi imwe? Chiuta ntha wali na vinthu vyakutimbanizgika. Iyo wakuzomerezga waka ichi chiyende ngati nttheura pa kanyengo kachoko. Ndipo ine nkugomezga mwakukwanira kuti chinthu chira chikachitika.

Ndipo pa nyengo yaumaliro iyi ndi penepapo Chiuta wavumburenge visisi ivi ku Mpingo. Iyo wandachitepo ichi nakale. Ndipo chifukwa icho Iyo wandachitire ichi, ndi chifukwa chakuti waupange Mpingo uŵe tcheru na kurombangga nyengo zose, kwambula kumanya apo ichi chifikirenge. Kweni imwe mukukumbukira, mu Daniel 12, Iyo wakati, “Wavinjeru wazamkupulikiska mu yaumaliro, mu nyengo iyi yaumaliro.” Mukuwona? Ichi chiri kuperekeka kwa iyo.

⁶⁸ Mzimu wa vinjeru ukwiza mu Mpingo, kuti uvumbule ku Mpingo, mwa uvumbuzi wa Mzimu Mutuwa, kuwutoreranga Mpingo mkatni na kuvumbulanga nyengo iyo ise tikukhalamo. Kuyana waka naumo Gabriel wakizira kwa—kwa Daniel, Mzimu Mutuwa wakwiza ku Mpingo mu mazuwa ghaumaliro, kuti wavumbule vikuru ivi, vyakuya, vinthu vyachisisi. Kasi imwe mukupulikiska sono?

⁶⁹ Sono, icho chingamanya kufumiskapo chirimika chira cha wamanyenzezi panji chirimika cha Julian, kalendara, wonani, chirimika cha wakuwaja mawe, chifukwa charu ntchakusendemuka. Ise tose tikumanya icho, kufumira ku ivy

tikusambira ku sukulu. Ndipo ichi chiri kufumapo pa malo, ipo izo, nyenyezi zira, zingajumpha yayi mu nthowa ya charu pa nyengo yakuyana. Ipo, kalendara ya Chiroma njautesi, nayoso, chifukwa imwe mungaghawika pamoza yayi mazuwa. Pali waka vinthu vinandi ivyo ine ningamanya kuyowoya apa. Kuti ise tikusanga kuti, nanga ndi mwa chilengedwe ichochene, chikutisambizga ise kuti muli mazuwa sate pera mu chirimika.

⁷⁰ Sono, tiyeni titore Chivumbuzi uko ise tikwenera kuti tiruteko kudera uku mu mazuwa gha waprofeti waŵiri. Baibolo likati, "Iwo wakachima mazuwa wanu sauzandi thu handiredi na sikisite." Sono, imwe mutore kalendara ya wamanyenyezi, iyi nadi mbwenu yiwindenge ulendo utali m'malo mwakuwa virimika vitatu na hafu. Ndipo imwe mutore kalendara ya Chiroma iyo ise tiri nayo muhanyauno, iyi mbwenu yiwindenge ulendo utali. Kweni imwe mutore kalendara ya uchimi, ndipo yiri na ndendende mazuwa wanu sauzandi thu handiredi na sikisite, mazuwa sate mu mwezi. Mukuwona?

⁷¹ Ise tiri na mazuwa sate mu myezi yinyake, sate-wanu pa wakurondezgako, twente-eyite mu unyake. Wonani, ise tose tatimbanizgika. Kweli Chiuta ntha wali na iyi yakutimbanizgika, kukwera-na-kukhira, kumanyuma-na-kunthazi. Iyo wakupanga iyi yakuyana ndendende. Enya, bwana. Yakuyana ndendende, mazuwa sate mu mwezi; ntha sate-wanu, mbwenu sate, chinthu chinyakeso. Mukuwona? Kweli chose chira chikachitikira mu kumanya kukuru kwa Chiuta, kuti waupange Mpingo kukhalanga tcheru na kurombangga, pakuwawa wakunozgeka, muwe na vyakuvwara vyinu vyakuchapika mu Ndopa za Mwanamberere. Kweli, o, mu mazuwa agha ghaumaliro, Iyo wakalayizga! U-huh. Sono ise tikuwona uko ise tikukhala. Sono, kumbukirani, chakulinga, chakulinga cheneko, ntchakuti wachite ichi.

⁷² Sono, usange kukaŵa seveni... Wonani, pali ndendende mazuwa fote-nayini... virimika fote-nayini, mphanyiko, mu nyengo ya kuzengeka kwa tempile. Seveni, ndi masabata seveni ghauchimi, masabata seveni, chifukwa pali masabata seveni ghamikikira ku tempile, kuti wazengeso tempile. Ndipo ili likazengeka nkhanira ndendende virimika fote-nayini. Sono ise tiri nacho ching'anamuro cha nyengo ya masabata, chifukwa usange Baibolo likayowoya, Mungelo wakayowoya, ichi chikatora masabata seveni kufikira kuti tempile likazengeka. Ndipo vikawa ndendende virimika fote-nayini wakuzenga tempile, kwamba-kwamba Marichi 14 mpaka B.C. 5–538. Mpaka tempile likawezgekerapo, ndipo misewu yikawezgekerapo, ndendende virimika fote-nayini. Ntheura, kasi ise tikusanga vichi? Kasi ise tikusanga vichi? Pakuti, usange masabata seveni ghakung'anamura virimika fote-nayini, ipo sabata yimoza yikuyana na virimika seveni.

Ndipo seveni kwandaniska na seveni ndi fote-nayini. Apo ndi ndendende. Apo imwe muli.

⁷³ Ntheura sono kulijeso kusachizga za ichi. Ise tamanya sono kuti sabata yiriyose yikang'anamura virimika seveni. Kasi imwe mwachipulikiska ichi? Tiyen tiyowoye ichi pamoza. [M'bale Branham na gulu wakuyowoyeram pamoza—Munozgi] "Sabata yimoza yikuyana na virimika seveni." Sono ise tamanya kuti ise tapulikiska ichi. Sabata yimoza yikuyana na virimika seveni.

⁷⁴ Apa ise tiri nkhanira apa, sabata yakudanga. Virimika fote-nayini kufika ku kuzengaso tempile. Sono, mzere wapachanya uwu ukwimirira fuko la Chiyuda apo uwu ukujumpha. Iyi ndi nyengo waka. Ndipo para uwu ukukhira pasi uku, uwu ukufumako ku fuko la Chiyuda, kunjira mu nyengo ya Wamitundu. Pamanyuma ukukwera so muchanya ndipo ukumusanga Israel, ndipo ukurutilira.

⁷⁵ Sono, Wamitundu wakagawîkirika nyengo yiriyose yayi. Likayowoya waka, "Nyengo ya Wamitundu." Ndipo ise tikusanga kuti, nanga ndi Yesu nthâ wakawagâwira nyengo iwo. Pakuti ise tikuwona apa, mwa Luka 21:24, Iyo wakati, "Iwo wazamuviskira pasi viliwa vya Yerusalem mpaka Wamitundu..." Rekani ine niwerezgopo icho. Ine nkhuwerezgapo ichi mwakuchita kukumbukira waka. Rekani ine niwazge ichi, chifukwa ichi chiwenge pa tepi apa, ndipo ise tikukhumba kuti tiwoneseske kuti tachipulikiska makora ichi. Viri makora, usange imwe mukukhumba kujura pamoza nane ku ichi, pa Luka Mutuwa 21:24. Ine nkhwazge ichi mwakuwoneseska, makora chomene umo nkhamanya kuchitira.

Ndipo iwo wazamukomeka na lupanga, ndipo wazamuchimbizgika...

Kasi Iyo wakuyowoya za njani? Wayuda. Kula kukaâwa kuphwasurika kwa tempile, mu A.D. 70.

...ndipo iwo wazamukoreka umikoli kuruta ku mafuko ghose:...

Sono kumbukirani, mu Babulone pera yayi, mu Rome pera yayi, kweni ku "mafuko ghose." Kula ndiko Muyuda wali muhanyauno, "mafuko ghose."

...ndipo Yerusalem wazamuponderezekera pasi na Wamitundu, mpaka nyengo ya Wamitundu yikwaniriskike.

⁷⁶ Pamanyuma, kuli nyengo yiri kuperekka, kweni kulije munthu wakumanya kasi ichi chizamkuwako pauli. Mukuwona? Ndi chamchindindi, wonani, nyengo ya Wamitundu. Kweni, Wayuda... Pamanyuma, ise tingaphala yayi nyengo pakugwiriska ntchito icho Mpingo, kwali Uwu ngwakuwerera kumanyuma panji kwali Uwu ukurutilira, panji icho Uwu ukuchita. Imwe mungaphala yayi pakugwiriska ntchito icho.

Kweni, lawiskani ku Wayuda, ndiko kuli kalendara ya nyengo. Kasi imwe mukuchiwona ichi? Chiuta wakawagawira dazi, ora, na nyengo, kweni Iyo wakachita yayi ku Wamitundu. Iyo wakachita ku Wayuda, ntheura tiyeni tilawiske Wayuda, ntheura ise timanyenge apo ise tiri.

⁷⁷ Sono, sono, masabata seveni ghakawa virimika fote-nayini. Ise tapulikiska makora ichi sono, kuti sabata yimoza ndi—sabata yimoza na virimika seveni; sabata yimoza, virimika seveni.

⁷⁸ Sono ise taphalirika, “Kufumira pa kuyowoyeka kwa languro . . .” Sono, apa ndipo suzgo likwiza. Sono ise taphalirika:

... *kufumira pa kuyowoyeka kwa languro kufika ku kuzengaso msumba kwa Mesiya* (ndipo Mesiya wakawa Khristu, tikumanya) *pa'wenge masabata seveni, na matwente ghatatu na masabata gha'wiri:* (kupanga masabata sikisite-nayini) . . .

Mukuwona? Viri makora. Ndipo seveni kwandaniska na sikisite-nayini chikupanga virimika foru handiredi na eyite-firi. Sono, imwe mukulemba ichi? Usange imwe mukukhumba kuti ine niwerezgepo ichi, ine niwenge wakukondwa kuchita ichi.

⁷⁹ Sono ise taphalirika, “Kufumira pa kuyowoyeka kwa languro kufika ku kuzengaso msumba, kwa Mesiya, pa'wenge seveni,” (seveni, icho ndi chakudanga—chakudanga, nkhanira apa) “masabata seveni, na matwente ghatatu na gha'wiri,” kupanga, sikisite-thu na seveni ndi sikisite-nayini, masabata sikisite-nayini. Seveni kwandaniska na sikisite-nayini chikupanga virimika foru handiredi na eyiti-firi. Ipo, mpaka Mesiya . . . Sono ise tikwiza ku chigawa ichi *uku*. Mpaka Mesiya, pakwenera kuwa virimika foru handiredi na eyite-firi, virimika foru handiredi na eyite-firi.

⁸⁰ Sono, sono, Yesu, Mesiya, wakanjira mu msumba wa Yerusalem, wakwera, pa msana wa nyulu yituwa, pa Sabata ya Mikambalara, Epuleru 2, A.D. 30. Yesu wakanjira mu Yerusalem pa Sabata ya Mikambalara, A.D. 30. Ndipo sono, sono, kufumira B.C. 445 kufika A.D. 30, ndi ndendende virimika foru handiredi na sevente-fayivi.

⁸¹ Kweni, umo ise tawonera kale, kuti masabata sikisite-nayini ghakupanga virimika foru handiredi na eyite-firi. Sono, apo ndipo suzgo likwizira, nkhanira apo. Mukuwona? Ise tiri waka na, na vyakulemba vya Baibolo apa, nyengo, virimika foru handiredi na sevente-fayivi pera. Ndipo, mwakufikapo, ndi virimika foru handiredi na eyite-firi, mphambano ya virimika eyiti.

⁸² Sono, Chiuta wangapanga yayi kuti ichi chiwinde. Usange Iyo wakayowoya kuti gha'wenge mazuwa mwakuti, ndi mazuwa unandi mwakuti. Usange Iyo wakuti ndi unandi mwakuti, ndi

unandi mwakuti. Ntheura kasi ise tichitenge vichi? Sono, b.c. 475 kufika A.D. 30, ndi ya Julian panji virimika vyā wāmānyenyezi, ivyo ndi firi handiredi na sikisite-fayivi na kota wa dazi mu—mu chimoza. Kweni para ise tikughatorera mazuwa ghara ku kalendara ya uchimi...

⁸³ Sono rekani ine nilekezgere apa miniti pera. Mwakuti imwe panyake mungamanya kwambula kuwa na nkhayiko yimoza, ine ningatora waka malo ghamoza pera yayi. Ine ningamanya kuchiwoneska ichi mu Malemba ghose na kumusimikizgirani imwe kuti mazuwa seveni ndi seveni yura, sabata yimoza ndi—ndi virimika seveni, mu Baibolo. Ine nanguchita waka ichi kudera uku, mu Chivumbuzi chipatulo 13, panji chipatulo 11 ndipo vesi 3. Waprofeti wara wāzamuchima mazuwa wanu sauzandi thu handiredi na matwente ghatatu, cheneicho ndi mkatikati mwa sabata yaumaliro ya Wayuda, pamanyuma iwo wākudumulikako ndipo nkhondo ya Armageddon yikwamba. Ntheura usange icho chiri ntheura, icho chiriso apo, ndendende mazuwa sate mu mwezi. Mukuwona? Ntheura, ichi ndi—ichi ntha ndi mazuwa sate-wanu na mazuwa twente-eyiti, na vinyake ntheura. Ndi ndendende mazuwa sate mu mwezi, nyengo yiriyose.

⁸⁴ Kalendara yithu yauchimi yikutitorera ise ku mazuwa firi handiredi na sikisite, umo ise tikugwiriskira ntchito sono mu Malemba. Ise tiri na ndendende foru handiredi na eyite-firi. Icho chiri apo, foru handiredi na eyite-firi. Apa ise tiri na chisimikizgo cheneko cha uchimi, unenesko ndendende. Pakuti, kufumira pa nyengo ya kuyowoyeka kufika ku kuzenga tempile, kufika ku kubwangandulika, para iwo wākati wāmukana Khristu ndipo wākamukoma Iyo mu A.D. 33, para Khristu wakati wakomeka, ndi ndendende virimika foru handiredi na eyite-firi.

Sono, kufumira pa kuyowoyeka kwa languro kufika ku kuzengaso Yerusalem, kukamikikira masabata seveni, cheneicho chikang'anamura virimika fote-nayini. Ndipo virimika fote-nayini vikukwana ichi ndendende. Enya, kufumira ku kuzengaso tempile kufika ku Mesiya, pakawa virimika foru handiredi na sate-eyiti. Ntheura, foru handiredi na sa...virimika foru handiredi na sate-foru. Ndipo foru handiredi na sate-foru (nyengo), fote-nayini, vikupanga ndendende virimika foru handiredi na eyiti-firi. Ichi chikutchaya pa mphuno, ndendende kufika ku dazi, dazi na dazi. Amen! Apo imwe muli.

⁸⁵ "Mesiya Kalonga wazamkwiza." Mukuwona? Seveni kwandaniska na sikisite-nayini ndi virimika foru handiredi na sa...na—na eyite-foru. Ndendende, ichi chikutchaya pa mphuno. Ntheura, pamanyuma, ise tikumanya makora, ise tikumanya ndendende, kuti Lemba lira likuneneska. Ichi chiri apa. Kweni, imwe wonani, vyose ivi...

⁸⁶ Para Chiuta wakawa na charu chakale ndipo wakaparanya ichi pakugwiriska ntchito maji, ndipo wakasinthia deti la

wamanyenyeyezi; ndipo pamanyuma wakazomerezga Ŧaroma wafike na kupanga kalendara yawo, yeneiyo yikukwana na kudukira, na vinyake ntheura. Ndipo ine nkhusachizga, kuti, nanga ndi mu enisayikulopediya umo ine nakhala nkhuwazga.

⁸⁷ Mukuti, apo tikurutilira, M'bare Kenny Collins, kasi iyo wali muno mlenji uwu, Kenneth Collins? Iwe ukumanya para iwe ukantumizgira ine mpimintha ukuru ula wa enisayikulopediya? Iwe ukukumbukira icho? Iwe ukantumizgira ine kudera kula pafupifupi katundu wakuzura thraki wa uyu. Ine nkaghaganaghana, "Ntchinthu uli mu charu kuti muwisi ngati ine ningachita navyo vichi vyose vira?" Iwe ukumanya, Fumu yikakurongozganga iwe, Kenny. Kula ndiko ine nkhasanga fundo, nkhanira kufumira mu enisayikulopediya yakale yira, "nyengo," ndipo ine nkhaŵazganga. Ndipo Becky wakughagwiriska ntchito igho ku sukulu. Ine niri nagho mwakuŵazgira mwane, kusika mu chipinda chane chapasi. Ndipo ise tikaruta kusika kula ndipo tikalisanga ili, ndipo kula ise tikapenjambo, ndipo tikachisanga ichi, ndendende, mu makalendara ghose na nyengo izo ziri kuŵako. Mukuwona? Ntheura, ise tikachisanga ichi.

⁸⁸ Icho chiri apo, ndendende, virimika foru handiredi na eyite-firi. Kufumira pa kuyowoyeka kwa languro kufika ku kuwezgereskapo a-kufika ku kuwezgereskapo nyumba, kufika nyengo apo Kalonga Mesiya wakakanika, yikupanga ndendende virimika foru handiredi na eyite-firi, kugwiriska ntchito kalendara.

⁸⁹ Sono imwe wonani, ise tikugwiriska ntchito kalendara yeneiyi kudera kuno. Chifukwa, usange Chiuta wakagwiriska ntchito kalendara iyi uku, ipo Iyo wakwenera kuti wayigwiriske ntchito nyengo yose mu Baibolo. Ndi unenesko uwo? Chiuta wakusintha yayi. Ntheura, usange masabata seveni ghakâwa virimika fote-nayini, masabata seveni kamozaso ndi virimika fote-nayini. Sabata yimoza ndi virimika seveni, wonani, ntheura ichi chikupanga ichi ndendende. Ndipo usange ichi chikafika nkhanira penekopeneko kula, ichi chizamufika nkhanira ndendende penekopeneko kamozaso. Amen! O, mwe! Icho chikunifikiska ine pa kukondwera chomene. O, ine—ine nkhetemwa ine nkhetemwa kumanya icho ine nkuyowoya. Ine—ine—ine nkuchitemwa ichi.

Chifukwa, umo munthu mulara wakayowoyerwa, kusika kula mu Kentucky, kwa ine, wakati, "Ine nkhetemwa kupulika munyake wakuyowoya, uyo wakumanya icho iwo ūkuyowoya."

Ine nkhati, "Ine nkhetemwa, naneso."

Iyo wakati, "Icho ndicho chikuchitika na imwe ūapharazgi, imwe mukumanya yayi icho imwe mukuyowoya."

⁹⁰ "Enya," ine nkhati, "Ine nkhuwonga kukhozgera kwako, kweni viripo vinthu vinyake ivyo ise tikumanya icho ise

tikuyowoya.” U-huh. Uwo mbunenesko. Ine nkhumanya kuti ndine wakubabikaso. Ine nkhumanya kuti niri kujumptha nyifwa nafika ku Umoyo. Ine nkhumanya kuti kuli Chiuta, chifukwa ine niri kumuyowoyeska Iyo.

Ine ndiri kuwápo na Iyo wakuyowoya kwizira mwa ine, na kuniyowoyeska ine, na kuyowoya ku wanyake, na kuniphalira ine za wanyake. Ndipo ine nkhumanya kuti Iyo ndi Chiuta. Uwo mbunenesko. Iyo wakachita chiweme chomene kukhira pasi na kunizomerezga ine kujambulika pamoza na Iyo, uko charu cha sayansi chingakana yayi ichi. Ndipo ine nkhujula ku Lemba ndipo nkhawona icho ndi ndendende chakuti chikwaniriske muwiwo uwu wa mpingo, ndendende ndicho chikuchitika, ntheura mwakuti ine nkhumanya kuti tiri pano. Amen.

⁹¹ Sono, panyake ise tingáwa wakusambira yayi. Ise panyake tingáwa wantru wapachanya yayi, na vinthu ngati ivyo. Ise panyake tingáwa wapachanya yayi, kweni ise tikumumanya Chiuta. Ise tikumumanya Iyo chifukwa kuli Mzimu Mutuwa, wonani, ndipo ichi chikulingana na Mazgu-na-Mazgu mu Malemba, ntheura ise tikumanya kuti ndi unenesko. Ise tikukhala mu mazuwa ghaumaliro.

⁹² Sono, kula, kumbukirani sono, kuti, chirimika ichi chauchimi, cha mazuwa firi handiredi na sikisite mu chirimika. Laŵiskani pa chinthu chinyake chirichose. Chilengedwe, usange mwawantru wanyake imwe mungapulikiska, nanga nkhu wanakazi, vinyake ntheura. Mukuwona? Sate, mazuwa sate, wonani waka ichi-ichi ndi... Chilengedwe chose chiri kupangika ngati ntheura. Mukuwona? Sate-wanu yayi, sate, twente-eyiti, panji chinyake. Ndi ndendende mazuwa sate. Ku chirimika chirichose, iyo ndi kalendara yauchimi, ndendende mazuwa foru handiredi na eyite-firi.

⁹³ Apa ise tiri na kusimikizgira kweneko kwa uchimi, virimika foru handiredi na-na fote-fayivi, kale, chikawa nkhanira chaunenesko. Sono, vyose vira vikachimika kuti vizamukwaniriskika. Ndipo masabata sevente ghara ghakachitika nyengo yira yayi, ntheura ichi chakhalira ku nyengo yaumaliro sono.

⁹⁴ Sono, wabale wane wa Chipentekosite; sono, wabale wane wa Mboni za Yehova; mukumanya ichi? Kasi imwe mukumanya uko handiredi na fote-foru sauzandi wakawonekera? Kasi imwe mukumanya uko minthondwe yikuruyikuru yose ya Chivumbuzi yikawoneka? Kula mu muwiwo wa Chiyuda, wa ise yayi. Mulije chiri kulembeka mu ichi, Mpingo kunozgekeranga waka na kufumanga. Nadi, na nkhongono ya Chiuta, ise tikuchita minthondwe na vinthu vikuru. Ise tikumanya icho. Kweni chinthu cheneko chikawa kudera uku ku Wayuda; Ine nkhung'anamura, yeneko, nkhongono yakuteweta, kuchitanga-minthondwe. Foru...

⁹⁵ Handiredi na fote-foru sauzandi wakuwoneka kula yayi. Iwo wali...Iwo ntha wakuwoneka mu chipatulo 3. Iwo wali uku mu Malemba, kunthazi. Ndipo sono ise tikuwona kuti vinthu vyose ivi vikenera kuchitika, vikaŵa mu nyengo iyi ya sabata ya nambala sevente, sabata yaumaliro. Sono, usange iwo wali kale na masabata sikisite-nayini, ndipo wakakhala umoyo ndendende umo Chiuta wakayowoyerá ndimo wazamuchitira, ndipo chikachitika ndendende umo Chiuta wakayowoyerá kuti ndimo chizamuchitikira, ipo pali sabata yimoza yakhalako yikalayizgika kwa Muyuda. Sono, wâbale, nozgekani waka. Mukuwona? Mukuwona? Pulikani umo ise tiliri kufupi. Sabata yaumaliro, seveni, chirimika cha nambala seveni.

⁹⁶ Sono, kasi waliyose wakupulikiska kufika apa, usange imwe mukupulikiska? Waliyose wakupulikiska kufika apa, kuti ndi Unenesko wakufikapo. Ndi Baibolo. Ndi virimika vyauchimi.

⁹⁷ Sono ise tikwere muchanya, ndipo ise tikuŵasanga iwo apa wâkumukana Mesiya, wonani, kufuma a...kufika ku kumukana Mesiya, sabata yaumaliro.

⁹⁸ Sono, ine nkukhumba kuti nilekezgere nkhanira apa kanyengo waka ndipo nirongosole ichi. Kuti, para iwo wâkati wâmukana Mesiya, pakâwa para iwo, nkhumanya, wâkamukana Yesu ngati Muponoski, ndipo wâkamupayika Iyo. Kumbukirani kudera uku icho Baibolo likayowoya, "Ndipo Iyo wazamudumulikako, kweni chifukwa cha Iyomwene yayi, Mesiya, Kalonga." Sono ghanaghanani umo uchimi ula ukufikira kufupi. Ine nkukhumba kuti ichi chinjire chomene mwa imwe. Kuti, usange uchimi ula ukufika nkhanira ku deti lira, ndendende ku nyengo, ndipo ndendende umo uwu ukayowoyekera; ya seveni yinyake iyi, sabata yimoza iyi yakhalako...yimoza virimika seveni, mphanyiko, (mazuŵa seveni: virimika seveni), ghakwanenge ndendende kwakulingana na Lemba.

⁹⁹ Sono kumbukirani, Iyo wakadumulikako, Mesiya. Wayuda, Chiuta wakaleka kuchita na iwo. Iwo wâkaruta patali yayi. Pamanyuma iwo wâkambininiskika na Ufumu wa Chiroma. Ndipo, pamanyuma, usange imwe mukuwona pa chakujambula chane apa, ine nkukhumba kuti imwe mupulikiske ichi sono ndipo mujambule ichi. Imwe mukuwona apa apo ine naŵikapo ekesi? Apa ndipo iwo wâkamukanira. Kweni nyengo yikasazgikirako waka pachoko kunthazi pa icho, wonani. Chifukwa? Sate, fote, fifite, sikisite, sevente. Pakati pajumphra virimika fote, Tito, musirikali mulara wa Chiroma, wakaparanya Israel, Yerusalem, ndipo wakambininiskira wânthu ku charu chose. Imwe wonani, Tito, pakati pajumphra virimika fote. Ntheura, mu unenesko, nyengo ya Chiyuda yikasazgikirako mpaka kukwanira...

¹⁰⁰ Chiuta wakachitanga nawo yayi. Iyo wakachita nawo kufikira apo iwo wâkumukana Khristu. Ntheura para

iwo wakati wamupayika Khristu, iwo wakalira, "Rekani Ndopa Zake ziwe pa ise na wana withu," ndipo kuli kuwa nttheura kufuma kale. Kweni pambere iwo wakawa wandambininike... Tegherezgani! O, m'bale! Pambere iwo wose wakawa wandambininikire ku charu chose, chikamutorera Chiuta pakunji virimika fote kuti wabwangandule tempile na kuwambininiskira iwo ku charu chose. Kweni Chiuta wakaleka kuchita na iwo munthowa yiriyose. Chiuta wakaleka kuchita na iwo munthowa yiriyose.

Iyo wakaruta kukachita na Wamitundu. Imwe mukumanya icho, mwapulikiska ichi sono? Sono, apa ise tikwamba mu miwiyo ya mpingo, nyengo ya Wamitundu, Chiuta wafumako ku Wayuda.

¹⁰¹ Sono, m'bale wane wa mishonare, chira chikawa ku-ku—ku Wayuda, m'bale muweme wakutemweka kuno kumalo kunyake. Apa ndipo ine nkhukhumba kuti imwe mukore na kupulikiska. Wonani, Chiuta wakaleka kuchita na Wayuda nkhanira penepapo, chifukwa Chiuta nyengo zose wakuchita na Israel ngati fuko. Ise tose tikumanya kuti Israel ndi fuko. Wamitundu ndi wantru, ndipo Iyo wakachita kutora wantru kufuma pa Wamitundu, chifukwa cha Zina Lake. Ise tifikengeko ku icho mu maminiti ghachoko.

¹⁰² Kweni sono, mu miwiyo seveni iyi ya mpingo iyo ise tajumphamo, mu nyengo ya Wamitundu, kufumira pa kupayikika kwa Khristu kufika ku umaliro wa miwiyo ya mpingo. Sono ise tapulikiska icho. Ise tamalizga ichi, ulendo wose kukhira. Sono ise tikufika ku malo uko ise tingamanya kukhwaska ichi, kunjira mu Vididimizgo Seveni, Wadila Seveni, Mbata Seveni, na vyose vira, na kuchiwonera ichi pamoza; vyose kuchitanga na Wayuda, na cheruzgo cha Chiuta ku wantru pa charu chapasi. Ndipo wakukhalapo...

¹⁰³ Kumbukirani, mu nyengo yikuru iyi ya kuzikizgika, kuli mamiliyonu gha Wamitundu wafwirenge mu icho. Mkwatibwi wakukanika yura, yira—mbewu yakukhalapo yira ya mwankazi, mwali wakupusa, iyo wakwendera nkhanira mwenemula. Ichi ndi—ichi chiri waka pakweru umo ghaliri masabata sevente agha; pakweru waka. Ndipo iwo wazamwendera mu ichi. Nttheura, usange iwe ulije Mzimu Mutuwa, ntchiweme iwe urute ku Uwu mwaluwiyo umo iwe ungamanya kuchitira. Ise tiri ku nyengo yaumaliro.

¹⁰⁴ Sono wonani, miwiyo seveni ya mpingo. Sono, ine nkhwenera kuti niyendemoso yayi mu iyi, chifukwa ise tiri nayo pa tepi, ndipo igho ghakuwikika mu mabuku na chirichose. Yira, yira yikawa nyengo apo Chiuta nthu wakayowoya kuti pazamkuwa mazuwa mwakuti, maora mwakuti, panji virimika mwakuti; Iyo wakayowoyapo chirichose yayi. Iyo wakati, "Mpaka nyengo ya Wamitundu yimare." Wakati, "Mpaka!" Viliwa vizamuviskika kufika kuti Chiuta waleka kuchita na Wamitundu.

¹⁰⁵ Sono, ise tikusanga, kuti kale mu miwiro iyi, ise tikaŵa na Mzimu Mutuŵa mwenemula. Ndipo ntheura Chiuta, kale mu mtendeko, wakayamba kuŵaphalira, pa kumukana Khristu, Chiuta wakamuwoneska Yohane ndendende icho chizamuchitika mu nyengo ya muwuso wa Wamitundu. Sono, wonani, ise tirije nyengo yakuperekka, ngati Wayuda, kwemi ise tiri na chimanyikwiro. Ise tiri a—ise tiri na chimanyikwiro cha chikhwangwani. Enya, Chiuta wakachita na Wayuda nkhanira ndendende icho Iyo wakayowoya kuti Iyo wachitenge mu virimika vira sikisite-nayini, panji, vikaŵa virimika foru handiredi na eyite-firi, kweni masabata sikisite-nayini. Ndipo sabata yimoza yakhala, sabata yimoza yaŵamikikira.

¹⁰⁶ Sono, ise ntha tingawika ichi kuno *apa*, chifukwa uwu ndi Wamitundu, Mpingo. Sono, kasi mbalinga wakupulikiska icho? [Gulu likuti, “Amen.”—Munozgi] Sono, ichi ndi Chivumbuzi, kwamba na chipatulo 1, kufika chipatulo 3 chikutitorera ise ku Laodikeya. Sono, ise tikuwona ndendende umo wose uwu ukaŵira Mpingo, Mpingo wa charu iwowene. Chiuta wakaŵikamo wakwananga yayi, iyo waka...pekhapekha iyo wakukhumba kuponoskeka. Kweni, Mpingo wa charu ukaŵa wose utuŵa; pamanyuma wakiza wa Chinikolayiti awo wakakhumbanga kuti wapange bungwe. Wapachanya wakanjiramo mu uwu. Apa pakawa pa Nicaea, Rome, para iwo wakaŵa na Mphara ya Nicene. Ndipo kasi iwo wakachita vichi? Iwo wakapanga bungwe la mpingo, pamanyuma iwo wakayamba kuzikizga Wakhristu. Ntheura, mu muwiro wa mpingo wakurondezgako, uwu pafupifupi, Chikhristu, mu nthowa ya ubapatizo wa Mzimu Mutuŵa, wose ukachimbizgika.

¹⁰⁷ Kweni pamanyuma, kuti mwaŵanthu imwe mukumanya, kuti ine nkhwelerera kumanyuma ndipo nkhatora mudauko, wa *Nicene Fathers*, na *Pre-Nicene Fathers*, na midauko yose ya mpingo, na vyakulemba vyakale chomene ivyo ine nkhamanya kuvisanga, ndipo waliyose wa iwo wakasamikizgira kwa imwe kuti Mpingo uwo Chiuta wakayowyangana ntha ukaŵa mpingo ula wa bungwe la Katolika panji ntha bungwe linyake. Chiuta wakayowyangana, na nyenyezi zikuruzikuru zose zira za muwiro, wakaŵa wantru awo wakasambizga ubapatizo wa Mzimu Mutuŵa, ubapatizo mu Zina la Yesu Khristu, na kwiza kwa Mzimu wa Chiuta, na—na kuyowoyangana malilime, na kutanthauziranga malilime, na machirisko, na minthondwe, na vimanyikwiro. Chira ndicho Chiuta wakaŵagawira. Iyo wangasinha yayi malingaliro Ghake, kuti, “Enya, iyi ndi fundo Yane ya Mpingo, Mpingo wa chipostoli; sono fundo Yane ndi mpingo wapachanya.” Chiuta wakusintha yayi! Ndi Mzimu Mutuŵa ndithu.

¹⁰⁸ Ndipo ise tikulawiška na kuchipereka ichi, ntheura, para ise tikuwona chilengedwe cha Chiuta na icho Iyo...ndipo pamanyuma tikumupani Lemba Lake. Ndipo pamanyuma

kutora a—mudauko uwo ukuwoneska kuti ichi chikufika ndendende pa fundo; ndendende kufika ku deti, kufika ku nyengo, kufika ku chirichose icho Chiuta wakayowoya kwizira mwa Yohane, chikamanya kufiskika, chikachitika ku muwiwo wa Wamitundu.

¹⁰⁹ Sono, ise tikujisanga tawene, kwambula muzgezge uliwose wa nkhayiko, mu Muwiwo wa Laodikeya. Ise tikumanya ndimo tiri. Ise tajumpha mu Muwiwo wa Lutera; ise tajumpha mu muwiwo wa Wesley; sono ise tiri mu Muwiwo wa Laodikeya, muwiwo waumaliro. Ndipo ise tikumanya kuti uliwose wa mipingi yira ukaŵa na thenga. Ise tachimanya icho. Nyenyezi seveni mu woko Lake, iyo yikaŵa Mizimu Seveni iyo yikatumika na Chiuta. Uliwose ukaŵa na thenga. Ndipo ise tikukhira ndipo tikusanga kuti, pakugwiriska ntchito Baibolo, umo kawirenge kaŵiro ka thenga lira, kasi kaŵiro ka thenga lira kazamkuŵa uli. Ndipo ise tikumutora munthu mu mudauko uyo wakaŵa na kaŵiro kala. Ndipo ntheura para ise tamusanga munthu yura mu mudauko, uyo wakaŵa na kaŵiro kala, ise tikufika pa kumanya kuti iyo wakaŵa thenga ku muwiwo ula wa mpingo. Pamanyuma ise tikuwona kasi ndi Mzimu uli, ndipo kasi munthu yura wakachita vichi. Ndipo ise tikusanga kuti iyo wakaŵa mutuŵa wakuzuzgika-Mzimu-Mutuŵa, Irenaeus Mutuŵa, na wanyake wose wara, na-na Columba Mutuŵa, na wânarumi wose wara wakuzuzgika na Mzimu. Ndipo ise tikumanya icho, mwa Lemba, kuti Mzimu wa mtundu ula ukenera kuŵa pa munthu wa mtundu ula pa nyengo yeneyira. Icho chiri apo, ntheura chingawá chautesi yayi. Amen! Uchindami kwa Chiuta! Icho waka . . .

¹¹⁰ Ine nkhumanya yayi, m'bale. Icho chikuchita pakuru kwa ine kuruska chinyake chirichose ine nkhumanya, wonani, chifukwa ndi Mazgu gha Chiuta kuyowyanga Igoghene. Para ine nkupulika Chiuta wakuyowoya chinthu chinyake, ine nkuti, "Amen! Uwo mbunenesko. Ndi unenesko." Mukuwona? Mbwenu kwamala. Chose chamara. "Chiuta wakayowoya ntheura." Icho, icho chikuchita ichi.

Enya, Chiuta wakayowoya kuti icho chizamuchitika munthowa yira, ndipo ise tikuchisanga ichi mu mudauko na kwizira mu Lemba. Ise tikaŵazga za muwiwo wa mpingo uwu, icho uwu uzamuchita, icho chizamuchitika, kasi ndi thenga la mtundu uli ilo likaŵa la muwiwo ula. "Ku—ku mungelo wa mpingo wa Laodikeya. Ku mungelo wa mpingo wa Sardisi, Thwatera," yose iyi yakupambanapambana. Ndipo ise tikuruta mu mudauko ndipo tikusanga a—thenga la mpingo ula, ndipo ise tangusanga kasi wakaŵa njani. Ntheura pamanyuma ise tikajambula ichi, tikalemba mazina ghawo musi mwake, ndipo iyo yiri apo. Wonani, ise tikumanya icho chikuyana ndendende.

¹¹¹ Sono, ndipo ise tikumanya kuti Chiuta wakaŵa, nyengo zose wakaŵa, ndipo nyengo zose wali kuŵa, ndipo wakutinkha

chisopo cha bungwe. Enya, bwana. Iyo wakayowoya ichi. “Chinikolayiti, cheneicho Ine nkutinkha!” *Nickao chikung'anamura* “kuthereska wantru wamba.” *Wantru wamba* ndi, wantru wamba ndi, “mpingo, thupi.” *Nickao chikung'anamura* “kuthereska, kutonda,” mu mazgu ghanyake, “kumupanga muntru kuwa mutuwa, munyake wapachanya kuruska yumoza munyake.”

Tose ndise wanra. Ise tiri na Fumu yimoza, ndiyo Chiuta. Ise tiri na Yumoza Mutuwa, ndipo ndiyo Chiuta. Amen! Ndipo Iyo wali pakati pithu, mu kawonekero ka Mzimu Mutuwa. Uyo ndi Yumoza Mutuwa.

¹¹² Sono, ise tikufika pa chigamuro chakuti mpaka ise tiri na chisimikizgo cheneko kuti kwizira m—muwiwo wa Chiyuda ise taghasanga igho ndendende masabata sisite-nayini, mwa mudauko, mwa kalendara, mwa kalendara yauchimi ya Chiuta, kutoranga mudauko wa kalendara yauchimi, kufuma ku Chipangano Chakale kufika ku Chiphya, ndipo chikuwoneska ndendende kuti ntchakuyana. Mukuwona?

Sono ise tiri na mpingo wa Wamitundu kufuma ku mtendeko, kukhira kufika ku nyengo yaumaliro, ndipo ise tikumanya kuti tikukhala mu nyengo yaumaliro. Amen! Imwe mukupulikiska? [Gulu likuti, “Amen.”—Munozgil] Sono, ntheura, usange ise tikukhala mu nyengo yaumaliro iyi, pa umaliro wa muwiwo uwu, ipo kasi ise tiri mph?

¹¹³ Wonani, kumanyuma chomene uku, imwe mukuwona mzere uwu wajambulika kumanyuma *uku*, uko Chiuta wakachita na Wayuda... Panji, ntha wakachita na Wayuda, chikamutorera Iyo nyengo yitali kuti wawatore iwo. Chikamutorera Iyo virimika foto kuti waawarike iwo mu kawiyo kufika pakuti Iyo nthena wakawaparanya iwo, ku mafuko ghose. Kulikose, mu mazuwa gha Wamitundu, Iyo wakenera kuwaawika iwo mu kawiyo pambere Iyo wandapange Mazgu Ghake kuti ghakwaniriskike. Mukuwona icho ine nkhung'anamura? Mose imwe mukupulikiska ichi, yowoyani, “Amen!” [Gulu likuti, “Amen!”—Munozgil] Wonani, ine nkukhumba kuwoneseska kuti imwe mwapulikiska ichi.

¹¹⁴ Sono kasi kwachitika vichi? Laŵiskani pachanya pa muwiwo uwu wa mpingo waumaliro. Mukukawona kakatalikirako kachoko aka? Mazuwa gha Wamitundu ghakumara. Ndipo pa virimika foto vyajumpha, Wayuda wakhala wakuwerera ku Yerusalem, wakuruta wakuwerera ku charu chawo. Aleluya! Mukuwona apo ise tiri? Pakajumpha virimika foto, kufuma pa kudumulika kwa Mesiya, kufikira kuti Tito wakabwangandula tempile na kumbininiska Wayuda. Ndi virimika vinyake foto kuti Chiuta wanonofya mtima wa mitundu yose ya wa Faro ku malo kulikose, ndipo wakachimbizga Wayuda kuwerera mu charu chawo. Kweni muhanyauno iwo waliso mu charu chawo, ndipo Mpingo uli ku umaliro. Amen! [M'bale Branham

wakupumulira—Munozgi] O, ine—ine—ine nkhuyezga waka kuwazga; ine ningaleka yayi.

¹¹⁵ Wonani, Wayuda wali mu charu chawo, ndipo wakhala wakuwerera kwavo. Usange imwe mungatora *Kumara Kwa Nkhondo Ya Charu Chose*, voliyumu thu, para Mulara wa wasirikali Allenby, pamanyuma pa Nkhondo Yakudanga Ya Charu, wakawurukira ku Yerusalemu ndipo wakauzingirizga uwu, ndipo wakapoka Yerusalemu. Ndipo wantru wara Wakhristu wakenda mu Yerusalemu na visoti vyawo wavura. Ndipo Allenby wakathera kwambula nanga nkhuphuliskapo futi, panji—panji, iwo wakathera kwa Allenby, wa Turk. Ndipo kuyambira nyengo yira, Chiuta wakanonofya mtima wa Mussolini, mtima wa Hitler, mtima wa Stalin, mitima ya wantru charu chose, kutinkha Muyuda.

¹¹⁶ Ndipo ntneura viyuni vikuru ivyo vikaruta vikakhira pasi, vyakuchemeka Eastern Airlines, panji Pan American Airlines, panji chirichose icho chikawako. Ine nkhugomezga chikachemekanga TWA. Yikaŵa mu a—magazini, *Life* magazini, ine nkhugomezga ndimo yikaŵa, *Look* panji *Life*. Ine nkhugomezga yikaŵa *Life*. Virimika waka vyajumphu vitatu panji vinayi, ndipo Chiuta wakhala wakuŵachimbizga Wayuda kuwerera ku charu chawo, cheneicho iwo wakhala wali kutali virimika thu sauzandi, apo Wamitundu wakanozgekanga. Ndipo sono Wamitundu wamuŵika Khristu kuwaro kwa mpingo, kwakulingana na Chivumbuzi chipatulo 3. Iyo wakutondeka nanga nkhunjira mu mpingo Wake. Mulije malo gha Iyo ghakuti waruteko. Iyo wakanika.

¹¹⁷ Ndipo ndi nyengo ya Mkwatulo. Wakuwomboreka wose *umu*, madoti ghachokoghachoko ngati aka, ndi kuruta kuchanya kwa wātuŵa mu chiwuka. Imwe wonani, ise tose tikukumana nkhanira *apa* pamoza. Baibolo likati, “Ise taweneise tiri wāmoyo ndipo tikukhalirira mpaka kwiza kwa Fumu tizamuŵatondeska yayi panji kuwajandizga iwo weneawo wakugona tulo.” Ulendo wose kufuma *umu*, *umu*, na *umu*.

¹¹⁸ Uli, m’bale wa Chipentekosite, kasi iwe ungaŵawika uli wose umu mu Muwiro wa Mpingo wa Laodikeya?

Iwo wa—iwo wakugona tulo, mu uliwose wa miwiro iyi, wakulindizga. “Ndipo ise taweneise tiri wāmoyo, kagulu kachoko kakukhalapo kudera uku, wakukhalirira wāmoyo mpaka... Kwiza kwa Fumu kuzamuŵajandizga yayi weneawo wali mutulo; pakuti mbata ya Chiuta yizamulira, ndipo wakufwira mwa Khristu wazamudanga kuwuka; ndipo ise tizamukwapulikira muchanya pamoza na iwo.” Amen! “Na iwo,” ise tiri *apa*, tikukumana nkhanira *apa*, “kuruta kuti tikakumane na Fumu mu mlengalenga.” Ndipo apo imwe muli. Kasi ise tiri mpha? Nkhanira *apa*. Kasi Mesiya wakadumulikira nkhu? Ndendende uko Mazgu ghakayowoya. Kasi sabata yira ya nambala sevente yizamuyambira pochi? Ndendende para

Mpingo uwu wadumulikako. Pamanyuma Chiuta wakuwerera ku Wayuda.

¹¹⁹ Mukukumbukira yayi imwe? Apo ndi penepapo kuti Mpingo waruta waka. Mpingo waruta, pamanyuma Wayuda wakuchikora, wakunjira. Kweni, chakudanga, chinthu chakurondezgako mu dongosolo, ntha ndi chankhongono cha fuko—chisisimus cha fuko lose pakati pa Wamitundu. Chinthu chakurondezgako mu dongosolo, ndi kwiza kwa Ufumu wa Chiuta, Kwiza kwa Khristu.

¹²⁰ Sono, usange imwe mungakhumba, ise tingamanya kuwerera kumanyuma uku sono kwa Daniel chipatulo 2, vesi 34 na vesi 35. Ndipo para Daniel wakati wapika...chipatulo 2, 34 na 35, para Daniel wakati wapika mboniwoni yakuti mazuwa gha wantru wake ghakamara, ndipo gha nyengo yinyake, ndipo iyo wakawona Wamitundu wakunjira. Ndipo wakawona mboniwoni ya libwe likuru ili uku, panji chikozgo chikuru chomene ichi, chikawa na mutu wa golide, na nganga ya siliva. Sono wonani, ichi chikuwa chinonono, siliva ku golide. Chakurondezgako, vigha vya chisulo...panji vigha vya mkuwa. Ndipo pamanyuma vikandiro na marundi gha chisulo. Kweni njoewe, zikawa njoewe teni, ndipo njoewe zira zikawa za visulo na dongo. Ndipo iyo wakati, "Umo kuti iwe ukawona kuti chisulo nthena chikasazgiana yayi na dongo, maufumu agha ghakugawikana ghazamusazgana yayi umoza na unyake, kweni igho ghazamusazga mbewu zawo pamoza, kuyezganga kuti uphwanye nkhongono ya umoza unyake." Mukuwona?

¹²¹ Sono, kukachitika vichi, mutu wa golide waka wa Nebukadinezara, cheneicho iyo wakatanthauzira ichi. Wakati, "Fumu yinyake yizamkwiza ndipo yizamkuwa yichoko kwa iwe," uyo waka wa Darius, wa Medes-o-Persia, kupoka ufumu wa Wamitundu. Unyake wakurondezgako ukiza, pamanyuma pa wa Medes-o-Persia, ukawa vichi? Wagiriki, Alexander Mukuru, na wanyake nttheura; wa Grecian wakapoka ufumu ula. Pamanyuma ndinjani wakapoka uwu kufuma ku Wagiriki? Waroma. Ndipo ndinjani wali kulamulira charu cha Wamitundu kufuma kale? Waroma! Waroma, sono, chira chikawa chisulo.

¹²² Ntheura wonani, Rome wali ku umaliro, chifukwa ichi chikafika ku umaliro wa njoewe. Ndipo iyo wakawona thope, dongo; ndipo awo ndi wantru, icho ise tiri kupangikako. Ndipo chisulo, nkhongono ya Rome, yikanjira mu lirilose la mafuko ghara. Ndipo Rome wali na nkhongono mu fuko lirilose kusi kwa Mtambo.

¹²³ Muli munthu yumoza mu charu uyo wangamanya kulekeska nkhondo panji kwambiska nkhondo, kwambula...pa kuchita kuyowoya lizgu limoza. Uyo ndi papa. Uli usange iyo wakati, "Pa'awaye wa Katolika wanyamule futi." Mbwenu kwamara, m'bale, yowoya chirichose iwe ukukhumba. Chigawa chikuru chomene cha charu, cha Wakhristu, ndi Katolika. Mukuwona?

Viri makora. Rekani iyo wayowoye lizgu limoza, icho ndicho chiwengeko.

¹²⁴ Ngati ndiumo iwo wakayowoyer a kudera uku, “Ndinjani . . .” Ise tifikengeko ku ichi kunthazi. “Ndinjani wali na mazaza kurwa nkhondo na chikoko? Ndinjani wangayowoya ngati iyo? Ndinjani wangachita ichi? Mwantheura, tiyeni tipange chikozgo cha ku chikoko.” Icho ndi chisazga cha mipingo, “kupanga chikozgo ngati ichi.” Mukuwona? Kusazga mabungwe pamoza, cheneicho iwo wali kuchita kale ichi. O, ise tiri waka ku umaliro. Ndicho chekha chiriko ku ichi, mubwezi. Ise tiri apa ku umaliro. Mukuwona? “Tiyeni tipange chikozgo ku chikoko,” chinyake ngati ichi. Chikozgo ndi chinyake icho chikuwoneka ngati chinyake. Mukuwona? Sono ise tiri ku nyengo yaumaliro.

¹²⁵ Sono wonani apa, pa umaliro wa muwiro uwu. Sono, Daniel, mu chipatulo 2, ndipo vesi 34 na 35—vesi, iyo wakachilawiska chikozgo ichi na kulingalira kukuru. Ndipo iyo wakachilawiska ichi mpaka Libwe likagumuka kufuma ku phiri, kwambula mawoko, ndipo Ili likakhira pasi ndipo likatimba chikozgo ku vikandiro, ndipo likachiphwanya icho. Sono, Ili likatimba pa mutu yayi, sono. Likatimba ichi ku vikandiro; kula kukaŵa kumala kwa nyengo, njoŵe zira teni.

¹²⁶ Kasi imwe mwanguwona, ndendende apa, pambere Mr. Eisenhower wakaŵa wandarute, wa Protestant waumaliro wa a . . . wa America, mu a—mu Upurezidenti, cheneicho ine nkhukayika kuti wazamuŵako munyake yumoza. Kweni—kweni para . . . kuti nichiwoneske waka icho, kuti waka wānthu wākhale tcheru. Para iyo wakati wakumana nawo, kula kukaŵa . . . Kukumana kwaumaliro uko (iwo) iyo wakakumana na Russia, kukaŵa vyaru vinkhonde vya chikomunizimu vya Kuvuma vikaŵapo, vyaru vinkhonde vya Kuzambwe. Mr. Khrushchev wakaŵa mulara wa vyaru vya Kuvuma. Mr. Eisenhower wakaŵa mulara wa vyaru vya Kuzambwe. Ndipo Khrushchev, umo ine nkhupulikira na kuphalirika, kuti mu chiyowoyer a cha ku Russia, *Khrushchev* chikung'anamura “dongo.” Ndipo *Eisenhower* chikung'anamura “chisulo,” mu Chingerezi. Apo pali chisulo chinu na dongo, visazgikanenge yayi. Ndipo iyo wakavura skapato yake ndipo wakatimba chakuyimikapo iyi, na chinyake chirichose. Ichi chisazgikanenge yayi.

¹²⁷ Kweni mukaŵa mu mazuŵa gha maufumu agha kuti Jarawe, Libwe ilo likagumuka kufuma ku phiri, kwambula mawoko, likatimba chikozgo ku vikandiro. Sono, “Likagumuka kufuma ku phiri.” Likenera kuti likaŵa phiri la libwe. Ili likagumuka kufuma ku phiri la libwe. Sono, kasi imwe mwanguwona?

¹²⁸ Sono, wabale wapharazgi, na wabale na wālongosi, charu chose. Ku kapulikiskiro kane, Baibolo lakudanga ilo likalembe, Chiuta wakalembe ili mu mtambo, chifukwa iwo wakwenera kuti walaŵiske kuchanya na kuwona kuti

kuli a—Chiuta Kuchanya, kuti Chiuta wali pachanya pa iwo. Ndipo usange imwe mukuwona mu chipulausiku... Sono ntha waliyose wa imwe wangarutanga... Imwe mukhale nkhanira na Baibolo ili apa. Mukuwona? Kweni, a—chipulausiku, icho chikwamba mu chipulausiku, umo ine nkupulikira, ndi mwali; chaumaliro mu nambala ya chipulausiku ndi Leo Nkharamu. Uko ndi Kwiza kwakudanga kwa Khristu, kwendera mu mwali; Kwiza kwachiwiri, ndi Nkharamu ya fuko la Yuda. Mukuwona? Pamanyuma ise tiri na muwiro wa kansa, ndipo, kweniso, kukhira kujumpha mu chipulausiku.

¹²⁹ Sono, ise tikusanga kuti likawapo limoza linyake ilo likalembeke, panji limoza linyake likawikika, ndipo lira likawá mapiramidi. Kasi imwe mwanguwona mu mapiramidi, umo iyi yikayambira, yisani musi, ngati phiri, yikapangika kufuma ku jarawe lakukhora, yikakwera mpaka yikafika pachanya? Kwemi pakawaveye chibenekerero chikawikika pachanya pa piramidi, piramidi yikuru kula iyo yiri mu Egupto. Torani yinu... Usange imwe muli na ndalamu ya dola mu thumba linu, torani ndalamu ya dola ndipo muyilawiske iyi. Ndipo imwe musangenge apa chidindo cha Chimereka ku chigawa chimoza, ndipo ku chigawa chinyake iyi yira na, musi nkhanira, piramidi. Ndipo pachanya pa piramidi, chibenekerero, kweni ili ndi jiso likuru chomene. Ndipo ili likuchemeka, musi mwa piramidi iyi, "Chidindo chikuru." Ntchifukwa uli nombo ya Chimereka ndi chidindo chikuru yayi? Icho ndi chidindo cha Chiuta. Kumbukirani, ise kale tikimbanga sumu yichoko:

Kulikose pa msewu tikuruta kumalo gheneko
uko kukukhala uzima,
Kuli Jiso likukulaŵiska;
Stepu yiriyose iwe ukupanga, Jiso likuru ili liri
maso,
Kuli Jiso likukulaŵiska.

Uwo mbunenesko. Kumbukirani, ise kale tikaŵanga na chichoko—chikondwerero chichoko, ise tikuyowoya.

Usange imwe mukwiba na kupusika na kuteta,
ndipo mu tchalitchi imwe mukuchitira
ukaboni,
Kuli Jiso likumulaŵiskani.

¹³⁰ Sono, chidindo chikuru. Sono, ise tikumanya, ndipo ine nkupulikiska yayi ichi, masayizi gha piramidi. Kwemi ine nakhala waka kumuphalirani mwawanthalu imwe mu vyaumaliro, mu vinyake vya visambizgo ivyo vikwiza, mwakuti imwe muchiwone chose ichi chikwenda makora, pamoza.

¹³¹ Sono, piramidi yikayambika, kuyimira Mpingo, yisani pasi. Ndipo apo iyo yikukwera kusenderera kufupi pachanya, iyi yikwamba kuwoneka chomene mu a—kawonekero ka fanelu.

¹³² Sono, ise tikusanga kuti, iyi yikufika nkhanira pachanya peneko pamutu, ndipo iwo wakamalizga yayi iyi. Chifukwa? Chifukwa? Ine nkhumanya yayi chifukwa! Chifukwa Baibolo likati Libwe la pamutu likakanika. Iwo wakakanika.

¹³³ Sono wonani, muwiro wa mpingo... Tegherezgani mwatcheru sono. Kuphonya yayi ichi. Muwiro wa mpingo uli kwiza kufuma ku mtendeko wa kunozgaso vinthu, Lutera, kale mu zinyengo kula uko malibwe gha faundeshoni ghakaŵikika, cheneicho ndi chisambizgo cha wapostoli. Pamanyuma ise tikusanga kuti, apo zinyengo zikarutiriranga, kufuma ku muwiro umoza kufika ku unyake, Mpingo ukaŵa uchoko mu chiŵerengero nyengo yose. Mpaka, uwu ukachita ngati... Lutera wakapharazga kurunjiskika. Ntheura, kuŵa waka, kuyowoya kuti ndiwe Mukhristu, iwo mbwenu wakukomengenewe, mazuŵa gha wakufwira chigomezgo, wakukomeka.

¹³⁴ Sono ise tikusanga kuti, mu mazuŵa gha Wesley, iwe ukaŵa mutuŵa-wakukunkhuluka usange iwe ukamuzomera Khristu nyengo yira, methodist muphya yura. Wantru wakafumako uku para Wesley wakati wafika kuno, na Asbury, iwo wakawâna na maungano muno mu America, kuŵazganga mudauko wawo, kufika uko iwo wakawâna nacho mu nyumba za sukulu. Mipingo yawo kuno yikaŵa nacho yayi. Ndipo paumaliro iwo wakafika ku malo mpaka Mzimu Mutuŵa wakamanyanga kuwa pa iwo, ndipo iwo wakamanyanga kuwa pasi, ndipo iwo wakathiranga maji pa iwo, kuŵakupiza iwo na fani, kughanaghana kuti iwo wakazinduka. Ndipo ine ndiri kuŵamo mu maungano ghawo ndamwene, mu virimika vyane vya m'mafifite. Ndipo ine ndiri kuŵawona iwo wakuwa pasi mu nkhongono ya Mzimu Mutuŵa ngati ntheura, ndipo iwo wakaponyanga maji ku maso kwawo, na chirichose, wa Methodist wakale wakumasuka, virimika vinandi vyajumpha. Kula kukaŵa kuzikizgika.

¹³⁵ Sono, pamanyuma, para muwiro ula ukati wakhalira umoyo ichi, muwiro wa Wesley, ukiza muwiro wa Chipentekosite na ubapatizo wa Mzimu Mutuŵa. Wonani, imwe mukukura, nyengo yose. Sono kumbukirani, Libwe la pamutu lira likaŵa lindaŵikikepo pa iyi. Chifukwa? Iwo wakaupanga Mpingo nkhanira ndendende, panji piramidi mu kaŵiro kakuti pakwanire Libwe la pamutu, kweni Libwe la pamutu likiza yayi. O, imwe mukuwona apo ine ndiri, mukuwona yayi imwe!

¹³⁶ Sono, utumiki kufuma kwa Lutera mpaka umaliro wa Pentekosite, mu chiŵerengero chichoko chira kuchanya uku... Ndicho chifukwa Kuŵara pafupifupi kukuzimwa, mu muwiro uwu, apo pa kalendara, pa chakujambula. Ndi muwiro wa chipentekosite, chipentekosite; ntha—ntha mabungwe gha Chipentekosite, chifukwa iwo wakachita waka ndendende ngati Laodikeya. Iwo mba mu Laodikeya. Iwo wakachita ngati wa Chinikolayiti, wakapanga bungwe.

Kwени Mpingo uneneska, charu chose, uli kupangika kufika ku malo kwakuti pali kwiza utumiki pakati pa Uwu, nkhanira ndendende ngati utumiki wa Yesu Khristu. Sono kasi wali na vichi? Iwo wali na chinthu mu kaŵiro. Sono kasi chinthu chakurondezgako ndi vichi? Libwe ili lakukanika, la piramidi, likagumuka kufuma ku phiri kwambula vichi? kwambula mawoko. Chiuta wakalituma Ili. Kasi imwe mukuchiwona ichi? [Gulu likuti, “Amen.”—Munozgi] Limaza lakukanika, Libwe lakukanika, ndilo mutu wa Iyi; ndi mutu, libwe lakubenerera. Ndipo Yumoza mweneuyo iwo wali kumukana, mu muwiro wa Wamitundu, ndi Khristu. Ndipo Khristu ntha wakadumulika na kuŵikika mkati umu ngati wachiŵiri, panji mwana wa Chiuta, panji wapachanya munyake mu mpingo. Iyo ndi Mzimu Mutuŵa. Ndipo chibenerera cha pa piramidi waŵenge Khristu wakwiza. Kasi imwe mukuchiwona ichi? [“Amen.”]

¹³⁷ Sono, pakuti iwo wali mu kawonekero, (Mukuwona uko ine nkhasanga kawonekero aka apa ngati piramidi, kuwuka kwa watuŵa?) kukupangiska kwenda kunjira mu Uchindami. Imwe mukupulikiska ichi sono? [Gulu likuti, “Amen.”—Munozgi] Khristu, Libwe la pamutu, Libwe lakukanika, Jiso lakulawiska-vyose, likwiza ndendende ngati ndiumo Baibolo likayowoyerera. Ndipo Daniel wakati iyo wakauwona muwiro uwu wa Wamitundu mpaka Libwe likiza kufuma ku phiri, ilo likadumulika na mawoko yayi. Iwo wandaŵikepo libwe lakubenerera pa piramidi yira. Ili likadumulika na mawoko gha munthu yayi. Ndi woko la Chiuta ilo likadumula Libwe. Imwe mukuchiwona ichi? [“Amen.”] Ndipo kasi Ili likachita vichi? Likatimba chikozgo nkhanira kudinya mu vikandiro, ndipo likaswa ichi mu viduswa, likasira ichi kuzgoka fuvu. Aleluya! Kukachitika vichi pa nyengo yira, kwiza kwa Libwe lira? Mpingo ukaruta Kuchanya mu Uchindami, pa Mkwatulo, chifukwa ichi chikamalizga nyengo ya Wamitundu. Chiuta wakamalizga iyi; kwiza kwa Libwe lira.

¹³⁸ Kale wakaŵako wanthu wanyake wakizanga kuno ku tchalitchi, mwanarumi muchoko na muwoli wake. Iwo wakamanyanga kutora Baibolo na kuliŵika Ili pasi pamalo ghanyake; ndipo iwo mbwenu wakayambanga, kwimba:

O, ine nkhulindizga Libwe lira ilo
likagubuduzgika mu Babulone,
Kugubuduzgikanga mu Babulone...
(Kuzunguliranga, kupenjanga Lira, wonani.)
Nkhulindizga Libwe lira ilo likiza
kugubuduzgikanga kunjira mu Babulone.

¹³⁹ Apo Iyo wali! Khristu ndiyo Libwe lira. Iyo wakababika na munthu yayi. Iyo wakababika na Chiuta. Iyo wakwiza kupukwa Mpingo uwo uli kubabikaso, na Mzimu wa Chiuta, chifukwa nkhongono ya Libwe lira la pamutu yikwenderera mu Mpingo wose, ngati magineti.

¹⁴⁰ Ine nkukumbukira zakuti nkhaŵá kumtunda kuno, kulaŵiskanga chigayo chira nyengo yira, uko iwo ūwakapangiranga vinthu vyose vira. Ndipo vипитика vyose vira pasi mbwerekete kula, ndipo iwo ūwakaviphsyerera kutali. Libwe likuru lira likiza ndipo likanyamula ichi, libwe likuru lira la magineti, ndipo likanyamula chose ichi chifukwa ichi chikaguzikira ku iyi.

Ise tikwenera kuti tiguzikire ku Libwe la pamutu lira. Libwe la pamutu lira ndi Mzimu Mutuŵá, Khristu. Ndipo waliyose wa ise wali nayo nkongono yakuguza yira ya Mzimu Mutuŵá. Para Libwe lira likutimba chikozgo, Mpingo uchimbilirenge ku Ili, kuwerera mu Uchindami. Uwu uzamutorekera kuchanya, pa Mkwatulo wa ūatuŵá, para Uwu ukuruta mu dazi lira.

¹⁴¹ Sono, laŵiskani kuno. Ise tikusanga kuti, Ŵayuda sono ūakhala ūakuwerera, pafupifupi virimika fote, pafupifupi nyengo yeneyira iyo ichi chikawatorera iwo kuti ūachimbilire ku kubwangandulika kwa tempile. Chikawatorera pakunji virimika fote kuti ūawereko, kufikira kuti iwo ūanozgeso tempile linyake. Wonani, ise tiri nkhanira pa umaliro wa msewu. Enya, usange Ŵamitundu . . .

¹⁴² Sono tiyeni titore a . . . Ise tikuwona Mpingo, kwiza kwa Libwe. Tiyeni ise titore muwiro waumaliro. Ise tikajumphamo. Ise tikuwona sono. Ine nkugomezga ndiri na vyakulemba vinyake apa pa icho. Tiyeni tiwone, miniti pera. “Ndipo kalonga uyo wizenge, mweneuyo ndi chikanakhristu, wazamupanga phangano na Ŵayuda.” Ndipo mu Daniel 7 . . . panji—panji 9:27. “Ndipo mkatikati mwa sabata, virimika vitatu na hafu, chikoko chizamupanga phangano lake . . .” Ine—ine nkukhumba kuti nifike ku chimoza icho, kunthazi pachoko, phangano lira. Ise tikukhumba kuti tifume . . . Ine nkukhumba kuti niyambire nkhanira apa sono.

¹⁴³ Uliwose wa miwiro iyi ya Ŵamitundu njakusimikizgika kwambula kutondeka za thenga lawo, za uthenga, na icho chizamuchitika.

Muwiro uwu *apa* ukaŵá muwiro wauchindami.

Muwiro wakurondezgako, ili likayowoya kuti kuzamkuŵá chisambizgo chakuchemeka, panji chinyake chizamkwiza, chakuchemeka, “a—vyakuyowoya vya Ŵanikolayiti.”

Pamanyuma kukiza, chinthu chakurondezgako, chikafika ku chisambizgo.

Pamanyuma kukiza, nthengwa ya . . . ku mpingo wa Chinokolayiti, na kuzikizgika kwa ūatuŵá. Chirichose chikachitika waka mwantheura umo.

Ise tikwiza ku unyake wakurondezgako, Kuŵara kuchoko waka kwayambapo. “Imwe muli na nkongono pachoko, ndipo imwe muli na zina ilo mukukhalira umoyo, kweni ndimwe

ŵakufwa. Koreska icho iwe uli nacho kale, mzire Ine nifike, nifumiskepo chakuŵikapo nyali.”

¹⁴⁴ Mwakurondezgako kukiza Wesley, pamanyuma pa ula, na muwiwo wake. Ise tikawona ndendende icho... Muwiwo wa Wesley, kasi uwu ukachemeka vichi? Filadelfiya. Muwiwo ukuru chomene—muwiwo wa chitemwa uwo ise tikaŵapo nawo, muwiwo wa Filadelfiya, ukâwa nkhanira mu nyengo ya John Wesley.

Para iyo wakati wafuma, wakanjira Pentekosite, ndipo ula ukâwa wakufunda.

Pamanyuma ise tiwerere kumanyuma ndipo timanye kasi ndi Uthenga uli wizenge ku Îapentekosite, pa umaliro.

Kumbukirani, waliyose wakiza ku umaliro wa muwiwo. Paulos Mutuŵa wakiza ku umaliro. Wanyake wose ŵakafika ku umaliro, Irenaeus Mutuŵa na wanyake wose âwa iwo. Muwiwo wa munyake ukamalira mu unyake, yikakwerana, ndipo iyo wakautora uwu ndipo wakaruta nawo kufika ku muwiwo wakurondezgana na uwu. Mukuwona?

¹⁴⁵ Sono, ise tikusanga kuti, mu muwiwo uwu, muli nyenyezi, umo ise tiliri nazo kula. Ise tiri na nyenyezi, thenga. Ise tiri na munthu, a—Uthenga uwo ukuruta ku muwiwo; wânthu kuti waukane Uwu; wânthu kuti wâupokerere Uwu. Ndipo thenga la muwiwo uwu likenera kuti lifike mu nkongono ya Eliya. Uwo mbunenesko. Ndipo iyo wakenera kuti “Wawezgereske Chipulikano cha wâna kuwerera ku wâwiskewo, kutora wâkukhalapo wâchipentekosite, awo wâkhalapo, kuwerera ku Chipulikano chaunenesko cha upostoli.”

¹⁴⁶ Sono, Chipulikano chaunenesko cha upostoli, usange imwe mungâwazga Ichi mu Buku la Milimo, imwe musangenge kuti yikâwapo yayi nyengo yimoza apo munthu yumoza wakabapatizika, “mu zina la ‘Wiske, Mwana, Mzimu Mutuŵa.’” Kukâwavye yumoza wa iwo wakawazgirika. Kukâwavye chimoza cha vinthu ivi icho ise tiri nacho chikuchitika muhanyauno, chakuchemeka Pentekosite, icho chikachitikapo kale kula. Iwo wâkâwa na kuwonekera kwaunenesko, na Mzimu wa Chiuta pakati pawo, cheneicho kwambula kutondeka wakâwa Mwana wa Chiuta kuteŵetanga na iwo.

Munthu uyu uyo wakenera kwiza, Uthenga uwu, mphanyiko, uwo ukenera kuti wize, ukenera kuâwa ngati wa Eliya. Eliya wakenera kuti wize katatu.

Sono imwe mukuyowoya, kuti, “Yohane Mubapatizi ndiyo wakâwa munthu yura.” Usange imwe mungawona, Yesu wakayowoya kuti Yohane Mubapatizi ndiyo wakâwa thenga la Malaki 3, nthâ Malaki 4. “Wonani, Ine nkutuma thenga Lane panthazi Pane.” Ine nkughanaghana Mateyu 11:6, nkhanira chamudera mwenemula imwe muchisangenge ichi, Mateyu chipatulo 11.

¹⁴⁷ Sono, kweni mu mazuwa agha ghaumaliro, kwizenge Mzimu wa Eliya pakati pa wantru, ndipo iyo wachitenge chinthu chenechira icho iwo wakachita kale kula. Kawiro kake ka'wenge chinthu chenechira, ka'wiro ka Mpingo. Kawiro ka a—muntru ka'wenge ndendende chinthu chenechira. Ndipo Uthenga uwo ukupharazgika, kuyezga . . . Iyo watinkhikenge, na wantru. Iyo watinkhenge wanakazi, wawakawaka, munthowa yiriyose, waheni. Watemwenge muthengere; wamawonekero ghachitima, muntru wakukhumudwa nyengo yose, ngati ndiumo Eliya wakawira, ndipo ngati ndiumo Yohane wakawira. Ndipo ise tachiwona chinthu chose ichi chikukwaniriskika. Usange ise tika'apo na Uthenga, ise tikumuwona Khristu wakukanika. Iwe ukwenera kuwa mu limoza la mabungwe agha panji iwe unjirenge yayi mwa igho. Ntheura, Iyo, Iyo waponyeka kuwaro. Mukuwona? Khristu wangateweta yayi pakati pavo.

“Ndiwe njani iwe?”

“Mukhristu.”

“Kasi iwe uli mu bungwe uli?”

“Ine ndiri mu lirilose yayi.”

“Ise tingakugwiriska ntchito yayi iwe.”

¹⁴⁸ Wonani, Iyo wakukanika. Unenesko! Wonani, wamukana! Ntheuraso Eliya wakamukana, ndipo ntheuraso Yohane wakamukana. Kweni, vichi, kasi ichi chikawapweteka iwo? Kasi ichi chikapweteka uthenga wawo? Iwo wakati, “O, imwe wakomira makosi.” Iwo wakapungulira ichi pa iwo. Iwo wakawezgako yayi nkonya yiriyose. Iwo wakaruta nkhanira munthazi. Ndipo Uthenga wa Chiuta urutenge nkhanira munthazi, kwambula kupwerera icho munyake wakayowoya, wonani, kufika ku umaliro, ndipo para a . . . chira cheneicho chikawamikirkira chizamkuvumbukwa. Ndipo ise tiri ku umaliro.

¹⁴⁹ Sono, ise tikujisanga ta'wene sono, mu virimika fote vya kuwerera kumanyuma, kufumira pa Nkhondo Yakudanga ya Charu Chose, ndipo Wayuda wawerera ku charu chawo. Chiuta nthia wakachita na Israel kufikira kuti iyo wakawa mu charu chake yekha.

¹⁵⁰ Sono, imwe mukukumbukira para Wayuda wakawereranga, Wayuda wara kufuma kusika mu vyaru vinyake, ndipo Look magazini yikurongosora nkhanzi ya ichi. Ine nkha'wazga kachiduswa kufuma mu nyuzi yinyake, nyuzi yinyake ya vyausopisopi, kuti para iwo . . . Ndege zira zikaruta kula kukatora Wayuda awa kusika kula mu Iran. Ndipo ine nkhumanya yayi uko iwo wose wakawa, wakambininikira waka palipose.

Sono, wara ndi Wayuda weneko, iwo weneawo wakawavye mwa'wi. Sono, m'bale, apo pali winu handiredi na fote-

foru sauzandi. Para ise tafika ku Chivumbuzi 11, imwe muwawonenge iwo. Iyo wakati, "Kuli mafuko thweluvu (gha Gad), mafuko thweluvu (gha Asher), mafuko thweluvu (gha Reuben), mafuko thweluvu..." Ndipo kasi iwo wose wakayimilirankhu? Pa Phiri la Sinai. Wayuda, wawerera mu charu chawo, kula iwo wakawa. Iwo ntha wakawa weneawo wakawa gulu ili la makhruku gha mu Wall Street. Yayi, bwana. Wakawa Muyuda mweneko.

¹⁵¹ Ndipo para musambizgi mulara uyu wakati wimilira kula ndipo wakawona ndege iyi yikudeka, Wayuda wara. Imwe mukawazze ichi mu magazini. Iwo wakawa wakulima ndithu na mapulawu gha makuni. Ndipo para iwo wakati wachiwona chinthu chira chikudeka pasi kuwaro kula, iwo wakaruta kufupi yayi ku ichi. Musambizgi mulara yura wakimilira kuwaro kula ndipo wakati, "Kumbukirani, muprofeti withu wakati, 'Para ise tikuruta kuwerera ku charu chithu, ise tizamuyegheka pa mapapindo gha nombo.'"

Vyaru vikuphwasuka, Israel wawuka,
Vimanyikwiro ivyo waprofeti wakachima.

Ise tiri kufupi kufika nanga nkhu sabata yira ya nambala seveni ya iwo.

¹⁵² Ine nkughanaghana, ndamwene, chiyimilire kuwaro kula, para M'bale Pethrus wakati watuma ma Testament ghachoko ghara, ndipo iwo wakaghawazga igho. Iwo wakati, "Enya, usange uyu ndi Mesiya, tiyeni ise—tiyeni ise timuwone Iyo wachite chimanyikwiro cha Muprofeti; usange Iyo ngwakufwa yayi, Iyo ngwamoyo." Iwo wakati, "Iyo wakaukas; Iyo wakukhala mu Mpingo Wake; tiyeni ise timuwone Iyo wakuchita chimanyikwiro cha Muprofeti, ndipo ise timugomezgenge Iyo." Wayuda nyengo zose wakugomezga... Iwo wakumanya kuti Mesiya wakenera kuwa Muprofeti.

¹⁵³ Ndipo para ine nkhati nayimilira kula pa la M'bale Arganbright dazi lira, pa malo, ndipo Wayuda wara wakimilira kula, wakati, "Zanga waka ku malo kwithu, wantru withu."

¹⁵⁴ Ine nkhati, "Nadi, ine niwenge wakukondwa kuti nifike." Nkhapanga waka chigamuro, mwaliwu.

¹⁵⁵ Ine nkhati ku Cairo, Egupto. Usiku unyake, para ine nkhati nawona ndege yira yikuhira pa Cairo, ichi chikanikumbuska ine. Ntheura para ise tikati tafika kula, ndipo ine nkhati na tikiti wane kuti nirute ku Israel, iwo wakati wamukumana nane. Ine nkhati, "Rutani, mukawunganiske masauzandi ghachoko gha warongozgi. Mukize nawo pa ndege kumalo kunyake, ise tizamumanya kwali Iyo wachali Muprofeti panji yayi. Amen. Enya, tiyeni tiwone icho Iyo wachitenge." O, chira chikawa nkhanira mu woko lawo. Chira ndicho iwo wakakhumbanga. Usange iwo wangawona chira, iwo mbwenu wagomezgenge ichi.

¹⁵⁶ Ntheura kasi ine nkachita vichi? Nkhafika kula pa Cairo, ndipo ine nkayamba kuruta kunena kula. Nkhaŵa kuti nagula tikiti wane; pafupifupi maminiti twente kufika ku nyengo yakuchemera. Chinyake chikati, “Sono yayi. Nkhombo ya uchikana marango, ya Wamitundu, yichali yindazure. Wa Amori wachali wandalwaniriskike. Khala kuwaro kwa icho!” Ine nkaghaganaghana kuti panyake ine nkachilingalira waka icho, ndipo ine nkharuta kuwaro kuseri kwa kunozgera ndege ndipo nkharomba. Chikati, “Khala kuwaro kwa icho sono.” Ntheura ine nkhatora tikiti wane ndipo nkharuta kumalo kunyake. Ine nkharuta yayi, pakuti ora lichali lindafike.

¹⁵⁷ Sono, nyengo iyo Chiuta wazamuzomerezga Wayuda wara, kuti wayambe kuchitaso na iwo, ine ningamuphalirani yayi imwe. Ine nkhumanya yayi. Palije munthu wakumanya icho. Kweni, tegherezgani, usange Israel wali kale mu charu chake, chose chanozgeka. Malibwe ghose ghanyamulika, na nthilira, maji, na chirichose icho Chiuta wakalayizga. Iwo wakasanga visime na vinthu kula, na mironga yikuru yakujurika, kuti għara ndi malo ghakutowa chomene imwe mukaghawonapo. Iwo wali na msumba wali kuwuzenga kula. Iwo wali na nthilira. Iwo wali na malo ghaweme chomene agho għaliko mu charu, kula. Ndipo ise tikusanga kuti, nkhanira mu Nyanja Yakufwa, muli mankhwala għanandi, ghakukwanira, kuti ghangagura charu chose. Mukuwona?

¹⁵⁸ Chirichose chiri nkhanira mu woko lawo. Kasi iwo wakachita uli ichi? Chifukwa mtima wa Hitler ukanonofyeskeka, mtima wa Mussolini ukanonofyeskeka, ngati ndiumo mtima wa Faro ukanonofyeskekera, na kuwawezgeraso iwo mu charu chira. Ndipo pa virimika fote iwo wakhala wakuwerera wakunjira mu charu chira. Sono iwo mbakukhazikika, wakulindizga.

¹⁵⁹ Mpingo wa Wamitundu uli mu Laodikeya, umaliro wa Muwiro wa Laodikeya. Usange... Wayuda wali mu charu chawo, wali kale kula. Ndipo kugaruka kwa Wamitundu kwachitika kale. Ndipo ise tiri na Purezidenti ngati ndiuyo tiri nayo. Ise tiri na fuko lakusweka ngati ndi ilo tiri nalo. Ise tiri na mabomba għa atomiki ghakulendera uko wakupangira ndege. Ise tiri na mpingo uwo ngwakufunda. Ise tiri na Mpingo, wanthal, awo wajiwunganiska iwo wene pamozza. Ise tiri na utumiki uwo ukukozgħana na utumiki wa Yesu Christu, kuti ukore Libwe para Ili likwiza. Ntchivichi chakhalako chakuti chichitike? Ichi panyake chingawako pa minni yiriyose. Kulje chinyake chakhalako. Ise tiri ku nyengo yaumaliro. O, uchindami! Ine nkhumanya yayi kwali ine nizamukwaniska kunjira mu chikondwerero chira, panji yayi, kweni ine nkhukħumba waka—nkhukħumba kuti nipereke gawo la ichi kwa imwe, munthowa yiriyose.

¹⁶⁰ Tegherezgani, kasi imwe...? Kasi mbalinga wâkumanya kuchiwona sono? Kasi imwe mukuwona uko Lemba likusimikizgira kuti masabata sevente ghakâwa virimika fote-nayini? [Gulu likuti, "Amen."—Munozgil] Kasi imwe mukuwona uko masabata sikisite-thu ghakâwa virimika foru handiredi na sate-foru? Imwe mukuwona uko a—masabata sikisite-nayini kale ghakâwa—ghakâwa—ghakâwa...? Kasi ichi chikâwa chivichi? Eyiti handiredi na... Foru handiredi na—na virimika eyite-firi. Virimika foru handiredi na eyite-firi kuzakafika nyengo iyi. Imwe mukuwona uko Kalonga wakadumulikira? Wonani, imwe mukutora virimika fote kuti Wayuda wara wâmalizeg kunjira mu malo ghawo, uko Chiuta wakayowoya.

¹⁶¹ Laŵiskani padera apa uko muwiro wa Wamitundu wajumphu mu chirichose icho ise tikayowoya kuti uwu uzamuchita; uko, ntha *ndise* tikayowoya kuti uwu uzamuchita; icho Baibolo likayowoya kuti uwu uzamuchita, chachitika nkhanira ku muwiro waumaliro uwu; ndipo pa virimika fote Wayuda wara wâkhala wakuwerera kwiza umu, kunozgekeranga kuti Chiuta wachitenge ndendende icho Iyo wakachita kuno. Iwo wâkaruta kula munthowa yira, ndipo iwo wâkwiza umu munthowa yira. Ndipo Israel wafikaso mu charu chake.

¹⁶² Sono, mphauli apo Chiuta wazamuyamba sabata yavo yaumaliro? Mphauli? Panyake pangâwa muhanyauno. Panyake yingâwa pambere zuâa lindatchone usiku uwu. Chiuta wazamulengeza ichi. Apo ichi chizamuŵirako, ine nkhumanya yayi. Ine nkuzizwa. Kwen ine niperekenge chinyake apa, sono, mu maminiti ghachoko, ndipo ine nkhumanya yayi kwali imwe mugomezgenge ichi panji yayi. Kweni ine—ine—ine nkhwenera kuti niyowoye ichi, munthowa yiriyose, ine nkugomezga.

¹⁶³ Ise tiri mu charu chithu. Wayuda wâli mu charu chawo. Ise tiri ku umaliro wa muwiro, tanozgekera Mkwatulo. Mkwatulo ukwiza, Mpingo ukuruta kuchanya, ise tikukwapulikira muchanya kuti tikakumane na Iyo mu mlengalenga. Ise tose tikumanya icho. Libwe ilo likagumulika ku phiri, ndakunozgeka kwiza pa nyengo yiriyose. Ndipo para Ili lafika, Kasi Ili likuchita vichi? Ili likuwuleka muwiro wa Wamitundu. Ichi mbwenu kwamara, ndipo Chiuta wakulekerathu kuchita na iwo. "Murekani iyo mweneuyo ndi mukazuzi waŵe mukazuzi; murekani iyo mweneuyo ndi mutuŵa waŵe mutuŵa." Mukuwona? Kasi Iyo wakuchita vichi pamanyuma? Iyo wakutora Mpingo Wake, wakuzuzgika na Mzimu Mutuŵa.

¹⁶⁴ Kasi ninjani "mukazuzi?" Uyo ndi mwali wakupusa na iwo weneawo wâkwiza ku cheruzgo, kutali chamudera mkatî *umu*. Ise tichisangenge icho pa chakujambula chinyake, para ise tikurutirizga chimoza ichi mwakuwerezga, uko iyo wakwiza ku Chizumbe Chituŵa cha Cheruzgo ndipo wakwenera kuti wayeruzgike na wakuwomboreka. Paulos wakatiphalira ise

kuti tileke kutorera nkhani ku khoti, chifukwa wātuwā wazamuyeruzga charu chapasi. Uwo mbunenesko. Ise tiri ku nyengo yaumaliro, *apa*, sono. Viri makora.

¹⁶⁵ Ndipo mkatikati mwa sabata iyi... Sono, apa pali sevente. Sono, usange agha ghakaŵa ndendende virimika seveni, yiriyose ya masabata agha, ndipo ise tiri kuŵa nagho kale masabata sikisite-nayini; ntheura ise tiri na muwiro wa Wamitundu, ndipo ise tikumanya kuti tiri ku umaliro wa muwiro wa Wamitundu; ipo kwakhala sabata yimoza kwa Muyuda. Ndi unenesko uwo? Ndipo icho ndi ndendende virimika seveni. Usange *iyi* yiakaŵa virimika seveni, *iyo* ndi virimika seveni, chifukwa Iyo wakati, "Pali masabata sevente ghamikikira pa wānthu wako." Ntheura ise tikumanya takhala na virimika seveni ku Wayuda. Ndi unenesko uwo? Sono laŵiskani pa ichi. Usange pali fumbo, ine nkhukhumba kuti nilimanye ili. Mukuwona?

¹⁶⁶ Sono, ndipo mkatikati mwa sabata, mkatikati mwa sabata iyi ya Chiyuda; wonani, apo ndi virimika vitatu na hafu—virimika; chikanakhristu, kalonga, kalonga uyo wizenge. Ndipo kumbukirani, iyo wakwiza kufuna ku Rome, kalonga uyo wizenge. Ndinjani iyo? Papa. Kalonga pakati pa wānthu, uyo wizenge, kuzamuphuka Faro uyo wakumumanya yayi Joseph.

¹⁶⁷ Sono, imwe wā Protestant mukuti, "Enya, sono, ndicho ichi." Kweni miniti pera. Ise tikusanga kuti wā Protestant wāli na bungwe, wakupanga chisazga cha mipingo, chikozgo ku chikoko, ndipo wakwenda nkhania na iwo.

¹⁶⁸ Ndipo ise tikusanga apa kuti Wayuda wakuchemekeramo mu chisazga ichi, (enya, bwana), ndipo iwo wakuzomerezga. Ndipo Baibolo likati iwo wakachita. Ndipo iyo wakupanga phangano na iwo.

Mkatikati mwa sabata ya nambala sevente, iyo wakuswa, chikanakhristu wakuswa phangano lake na Muyuda, "wānthu wako." Chifukwa?

Ndipo ise tikuŵazga mu Chivumbuzi 11, kuti, "Ine nditumenge..." Icho ndi 11. Imwe mukwiza kurazga ku 19 sono. Kuti Iyo wazamutuma waprofeti Wake wāwiri, ndipo iwo wazamuchima mu nyengo yira, ndipo pamanyuma iwo wazamuŵakwiyira waprofeti awā ndipo kweniso kuŵakoma iwo. Ndi unenesko uwo? Ndipo vitanda vyawo vizamugona mu msewu wauzimu wakuchemeka Sodom na Gomora, uko Fumu yithu yikapayikikira, Yerusalem. Mbunenesko uwo? Ndipo iwo wāgonenge kula mazuŵa ghatatu na mausiku. Ndipo pamanyuma pa mazuŵa ghatatu na mausiku, mzimu wa umoyo uzamunjira mwa iwo, ndipo iwo wazamuŵuskika na kuruta kukanjira mu Uchindami. Chigawa chimoza pa khumi cha msomba chikawa pa nyengo yira. Ndi unenesko uwo? Mukuwona? Kasi ntchichi ichi? Mkatikati mwa virimika sevente ivi vyamaliro.

¹⁶⁹ Para Mpingo waruta kuchanya; pamanyuma chisazga, mwali wakupusa, Methodist, Baptist, Prezibetere, na Pentekosite wakufunda, iwo wose pamoza na chisazga. Cheneicho, iwo wali kale na ulamuliro wawo ukuru sono. Ndipo para iwo wachita, iwo wazamupanga phangano. Ndipo, enya, sono, papa muphyu uyu mweneuyo ise tiri nayo sono wakukhumba kuti wanjizgemo wose. Kasi imwe mukuchiwona yayi chinthu chikuwunjikana? Wazamuyowoyapo mazgu pa ichi, na kuwanjizgamo wose iwo, nyengo yakudanga pa mahandiredi na mahandiredi na mahandiredi gha virimika; virimika sauzandi, panji ghawiri, ichi chakhala chikuchitika. Kweni sono iyo wawanjizgengemo wose mkat, pamoza, na kupanga chisazga, ndipo mkat mula Wayuda wachizomerenge ichi. O, mwe! Uchindami! Aleluya! Marumbo gharute kwa Chiuta withu Uyo ngwamoyo muyirayira na muyirayira! Apo imwe muli! Sono, m'bale, ichi ntchipusu waka, chipusu waka umo mwana muchoko wangamanya kuchiwonera ichi. Chisazga cha kunjizgamo Chiyuda, na Protestant, na Katolika, pamoza.

Ndipo, kumbukirani, kasi waprofeti wawiri awa wazamuchita vichi para iwo wfafika?

¹⁷⁰ Chikoko ichi, kalonga uyu mweneuyo wazamuparanya nkhongono ya wantru watuwa, kasi iyo wazamuchita vichi? Iyo wazamkuswa phangano lake na iwo. Para pajumpha virimika vitatu na hafu, iyo wazamuwachimbizga iwo. Sono, wantru wakughanaghana kuti icho ndi chikomunizimu. Ichu ntchifukwa waka chakuti imwe... Mzimu wa Chiuta uchali undachite namwe. Ndi chikomunizimu yayi; ndi usopisopi. Baibolo likati, "Iyi yizamkuwa kufupi chomene mpaka iyi yingamanya kupuruska Wakusoreka usange nkhwamachitiko." Yesu wakayowoya ntheura. Wonani, ise tiri mu waumaliro.

¹⁷¹ Sono, waprofeti wawiri awa, kasi iwo wazamuchita vichi? Ndi Moses na Eliya awo wazamuwonokera pa malo. Iwo wazamuwaphalira Wayuda wara kunangiska kwawo. Ndipo kufumira pa gulu lira la Chiyuda ilo liri kula sono, kuti wakwane handiredi na fote-foru sauzandi, Chiuta wazamuwachema kugwiriska ntchito waprofeti awa. Kasi ichi ntchichi? Mzimu wa Eliya, wafumako ku Mpingo uwu wa Wamitundu, uzamurutirira waka mu mpingo ula wa Chiyuda, kuruta nkhanira mkat na kuchema; Moses na iyo. Aleluya! Imwe mukuchiwona ichi? Ndipo iyo wazamupharazga Uthenga weneula wa Pentekosite, ku Wayuda wara, kuti iwo wakamukana Mesiya. Amen! Imwe mukuchiwona ichi? Uzamkuwa Uthenga weneula wa Chipentekosite, uwo Wayuda awa wazamkupharazga kwa iwo kula. Ndipo iwo wazamkuwatinkha chomene Wayuda wara mpaka iwo wazamuwakoma iwo. Ndipo iwo wakatinkhika na mafuko ghose.

Ndipo mkatikati mwa sabata, chifukwa chakuti iwo wakalera ukuru, wankhongono handiredi na fote-foru sauzandi.

Iwo wakawâ na Mzimu Mutuâ. Ndipo, m'bale, iwe ukuyowoya za kuchita minthondwe, iwo wakachita iyi. Iwo wakayimika machanya, ndipo yikarokwa yayi mu mazuâ gha uchimi wawo; wakatimba charu na vilengo, kanandi umo iwo wakakhumbira kuchita. Iwo wakapereka vilengo na chinyake chirichose. Iwo wâwachitirenge Waroma wara nthowa yinonono yakwenda. Kweni, paumaliro, iwo wazamukomeka. Chiuta withu ndi Chiuta wakofya para Iyo wakwiyyiskika. Kweni kumbukirani, icho chikuchitika mu sabata ya sevente, ndipo Mpingo uli mu Uchindami, amen, Chiphikiro cha Ukwati chikuchitika. Enya!

¹⁷² Sono wonani. Kula ndiko ise tikumuwona Iyo wakwiza kuwerera ku Kachisi wa Mileniyamu kudera uku pa umaliro wa muwiro wa Chiyuda, "wakuphakazgika." Apa Iyo wakwiza, wakwera pa kavalo mutuâ; wara wakamurondezga Iyo, pa wakavalô wâtuâ. *Kavalo*, "nkhongono." Wavwara vituâ; ndopa, panji, chakuvwara chakubizgika mu ndopa; pakalembe ka pa Iyo, "Mazgu gha Chiuta." Iyo wakwiza ngati Chatonda wankhongono, enya, bwana, kuti wakhazikiske Mileniyamu, kwiza kunjira mu Tempile. Uchindami! Kula Iyo wakukumana na handiredi na fote-foru sauzandi, sono, pamanyuma pa sabata yira ya nambala sevente apa.

¹⁷³ Sabata ya nambala sevente, ichi chikuchitika mu sabata iyi ya nambala sevente. Mu ghatatu, mkatikati mwa iyi, iyo wakuswa ili, chifukwa iyo wakoma waprofeti wâwiri wara wâ chipentekosite, enya bwana, awo wâtimba charu chapasi.

Ndipo, mnyamata, Iyo wakuwutemba mpingo ula, ndipo Iyo wakuwuwotcha uwu na moto. Ndipo, chifukwa, iyo... Ise tikuchisanga ichi kula, nanga ndi wanyawo pa sitima wayimilira kuwaro, wakati, "Soka, soka msomba ukuru ula uzaghali wa Rome, uwu wafika ku umaliro wake mu ora limoza." Uwu ukaphuliskika mu viduswa. Chiuta wakumanya umo wakuchitira vinthu. Ndipo yumoza wa Wangelo wakalaŵiskako, ndipo wakati, "Chifukwa, ndopa za wakufwira chigomezgo waliyose wa Khristu zikasangika mu uwu," chifukwa cha kunyenga kwake, kurutanga uku na kupanga bungwe, na kupanganga mtundu unyake wose uwu wa vinthu, na kunanganga charu, ndipo wakiza na vinthu vira mwenemula, ndipo wakakoma weneawo wakayezga kuvikilira Ichi ndipo wakayezga kuwafumiskamo iwo.

¹⁷⁴ Uchindami! O, ine—ine nkhumanya yayi. Ine—ine—ine nkhuwona ngati ningarutirira kwendanga. Mukuwona? Kasi ndimwe wakukondwa yayi chifukwa cha Kuwara kwa Mwana, kwendanga mu Kuwara kwa Mwana! Kasi tirinkhu, m'bale? Pa ora laumaliro! Ichi panyake chingachitika, nyengo yiriyose. Ise tiri pano!

¹⁷⁵ U—Uthenga wayenda wafika ku mpingo waumaliro, mpingo uwo ukamukana Khristu wake. Wayuda wali mu charu chawo kwa chigaâa chakunozgeka cha nyengo, virimika fote. Msomba

uphya wazengeka. Iwo wakulindizga vichi? Kwiza kwa Mesiya. Kasi ichi chizamuŵako pauli? Ine nkhumanya yayi. Para Libwe lira likutimba chikozgo *uku*, Uwu waruta; vyose vyamara nyengo yira.

¹⁷⁶ Sono wonani apa. Mkatikati mwa sabata, mazuŵa ghatatu na hafu...virimika vitatu na hafu, mphanyiko, iyo wakuswa phangano ndipo wakwambiska kupereka sembe na vyawanangwa...ivyo iwo wazamkuŵa kuti wakhazikiska kale.

Chifukwa, iwo wazamuwerera nkhanira kumanyuma na kuti, "Sono, wonani, imwe mose ndimwe mipingo. Imwe mungamanya kupokereraka mu chikozgo ichi kufika ku chikoko. Ise tiwenge na wenenawene. Ise timazgenge chikomunizimu. Ise timazgenge waka chikomunizimu ulendo wose." Mukuwona? Ndipo iwo wāngamanya kuchita ichi. Mukuwona? Ndipo iwo wāchitenge ichi.

¹⁷⁷ Kweni sono wonani. Ndipo wakhazikiska, ndipo wakhazikiska kufika ku ichi, kusopa kwa dazi lirilose na kupereka sembe kuzamkwizaso mu msumba para tempile lazengekaso. Ndipo kalonga uyu mweneuyo wafikenge mkatikati mwa sabata iyi, wazamkuswa phangano lake na kurekeska vyakuperekanga sembe. Ili likati, "Iyo wazamutimbaniza, kutimbaniza ichi." Ndipo icho iyo wazamuchita, ndipo ichi chizamurutirira mpaka ku umaliro.

¹⁷⁸ Ndipo wonani:

...*kupwalarikira kwa ukazuzi* kuti *kupange mupasuko...*

"Kupwalarikira kwa ukazuzi." Kasi *ukazuzi* ndi vichi? "Kuleka kujipwelerera." Mukuwona? "Kuti *kupange mupasuko*," kasi icho ntchichi? "Kumarana nacho." Kupwalarikira kwa *ichi*, kuti wamarane nacho *icho*. Mukuwona? Kupwalarikira kwa nkongono yira ya Chiroma, kuti wathereske mwali yose wakupusa, Wayuda na wose. "Ise tose tizamkuŵa Waroma panji ise tizamkuŵa kanthu yayi." Iyo wazamkuswa phangano lake mkatikati mwa sabata.

¹⁷⁹ "Kupwalarikira kwa ukazuzi." Usange ukaŵa ukazuzi mu nyengo ya Yesu, para Rome wakati wafika kudera kula na upuruski wawo; wazamkuŵaso Rome, uzamkuŵaso ukazuzi ku mpingo.

...*kuti wapange mupasuko*, ndipo wazamkurutirira kufika ku *umaliro...*

Kasi iyo wazamuchita vichi? Iyo wazamkurutirizga ichi kufika ku umaliro, ndikokuti, ku umaliro.

¹⁸⁰ Sono, Chiyuda, Chiroma, Chiprotestant (ndiko kuti, mwali wakupusa), wazamusazgana iwoŵene pamoza mu kawonekero ka chisazga cha mipingo. Ndipo chizamkuŵa ngati ndiumo Yesu wakayowoyerwa mu Mateyu 24, na mu Chivumbuzi 13:14.

Tiyeni titore Chivumbuzi 13:14, tiwone kasi. Ine nanguŵa nalo ili nangulemba apa, kuti tiwone kasi, 13:14. Viri makora, bwana.

Ndipo wakaŵanyenga iwo ūweneawo ūwakukhala pa charu chapasi pa kugwiriska ntchito minthondwe yira cheneicho iyo wakaŵa na nkongono kuchita (kusazga mipingi iy) mu maso... kuyowoyanga... mu maso gha chikoko; kuyowoyanga kwa iwo ūweneawo ūwakukhala pa charu chapasi, kuti iwo ūwapange chikozgo cha ku chikoko, icho chikawa na chilonda chakukoma chakupangika na lupanga, ndipo chikakhala chamoyo.

¹⁸¹ Sono, ise tikumanya, kwambula muzgezge wa kukayikira kulikose, kasi chikoko chira wakaŵa njani, nkongono yira iyo yikawa na chilonda chakukoma ndipo chikakhala chamoyo. Pakaŵa para Rome wambula kugomezga wakakomeka, ndipo ulamuliro wa upapa wa Rome ukatora malo ghake; para nkongono yakuwura kugomezga yikati yakomeka, ndipo nkongono ya upapa yikatora malo ghake.

¹⁸² Sono, sono, Chivumbuzi 13:14. Yesu, mu Mateyu 24, wakaŵachchenjezga iwo za ichi. “Chikozgo cha ku chikoko.”

¹⁸³ Paulos, mu Watesalonika Wachiŵiri chipatulo 2, vesi 3 na 4. Tiyeni tichisange ichi, timuwone Paulos, icho iyo wakuyowoya apa za ichi. Mzimu Mutuŵa ukuru ula pa muprefeti mukuru uyu wa Fumu, tiwone icho iyo wakayowoya za ichi mu nyengo yaumaliro. Mu Watesalonika Wachiŵiri, chipatulo 2 ndimo ichi chiri. Viri makora, bwana. Ndipo tiyambire na vesi 3, ine nkugomezga ndilo ili. Viri makora, tiyeni tiwazge sono. Tegherezgani mwatcheru, waliyose. Kasi mbalinga wakugomezga kuti Paulos wakaŵa wakuzuzgika na Mzimu Mutuŵa? Amen. Laŵiskani apa.

Paŵavye munthu wamupuruskensi imwe munthowa yiriyo: pakuti dazi lira ntha lizamkwiza, pekhapekha kwize dankha kuwa,...

Iyo wakuyezga kufumiskamo ichi mu mutu wawo kuti Iyo wizenge nkhanira mwasonosono. Wakati, “Kukwenera kuti kuŵeko dankha kuwa kufuma ku Mpingo, chakudankha,” wonani, kwize mu Muwiro uwu wa Laodikeya.

...ndipo mwanarumi yura wa kwananga wavumbukwe,...

“Mwanarumi wa kwananga,” kuwura kugomezga mu Mzimu Mutuŵa. Kuwura kugomezga kuvumbukwe.

...mwana wa pharaniko;

Ngati ndiumo Yudasí wakaŵira; msungichuma wa tchalitchi.

Uyo wakwimikana na kujikwezga iyomwene pachanya pa chose icho chikuchemeka Chiuta, panji

icho chikusopeka; ntheura mwakuti iyo ngati Chiuta wakukhala mu tempile la Chiuta, . . .

M'bale, kasi walipo munthu pa charu chapasi, kuwaro kwa Vatican, uyo wakuchita icho? Kasi ichi chirinkhu?

¹⁸⁴ Sono, tirutirire kudera uku mu Chivumbuzi 13, ndipo nimuwoneskeni imwe kuti munthu uyu wakukhala pa msomba . . . mu msomba, ndipo msomba uli pa—pa mapiri seveni. Ndipo manambala gha chikoko ndi sikisi handiredi na sikisite-sikisi, ghali kulembeka mu a—mu Latin . . . alifabeti wa Chiroma, ndi sikisi handiredi na sikisite-sikisi, ndi VICARIVS FILII DEI, cheneicho ndi, “Mu malo mwa Mwana wa Chiuta,” pa chizumbe cha papa. Ndipo mpando wake, uli na mphumphu ya makona ghatatu. Ndipo ine nili kulaŵiskapo pa mphumphu, nkayimilira kufupi ngati ndiumo woko lane liriri ku chisko chane, ngati ntheura, ndipo—ndipo niri kuyiwona mphumphu ya papa nkhanira kula mu Vatican, ndamwene, nkayimilira ndipo nkhalawâiskapo pa iyi, kuwoneseska kuti ine nkhumanya icho ine nkhayowoyanga. “Iyo wakujiŵika, iyomwene pachanya pa chose icho chikuchemeka Chiuta, wanthu wose ūauchiuta. Iyo ndi mutuŵa chomene pa iwo wose; wakukhala mu tempile la Chiuta, kujiwoneskanga waka iyomwene kuti iyo ndi Chiuta,” kugowokeranga zakwananga pa charu chapasi, na vinyake ntheura, imwe mukumanya. Nadi.

¹⁸⁵ Paulos wakati, “Kuwa kula kukwenera kuti kudankhe kwiza, mwana yura wa pharaniko wakwenera kuvumbukwa.”

*Mukukumbukira yayi imwe, kuti, para ine nkhaŵa . . .
na imwe, ine nkhamuphalirani vinthu ivi?*

¹⁸⁶ O, ine nthena nkakondwera kuti nthena nkhaŵako kula, kumupulikanga Paulos wakupharazga icho, nthena mukachita yayi imwe? Humm! Umo ine nthena nkakondwera kutegherezga kwa iyo! O, mwe!

¹⁸⁷ Sono kasi iyo wachitenge vichi? “Chikozgo cha ku chikoko.” Watesalonika Wachiwiri. Sono tegherezgani. Tegherezgani mwatcheru sono, mwatcheru chomene. Mpingo ukâwa kuti ukupulika kale za kwiza kwa papa. Kasi ichi ntchichi? Umaliro wa muwiro ula wa mpingo, Paulos. Iwo ūakachiwona chinthu ichi cha Chinikolayiti chikakuranga; iwo ūakarutanga kukamupanga munthu mutuŵa, (kuŵa vichi?) papa. Vya charu na upachanya vikakhwâwira mu mpingo, na kusinthanga dongsolo la kusopa. Paulos, na Mzimu Mutuŵa, wakachikora chira mu Mzimu. Ndipo mpingo, na magulu ghake na ūapachanya, wanthu ūapachanya, na ūnyake ntheura, kuti iwo ūakawona kuti kukizanga chinthu chinyake. Ndipo Mzimu Mutuŵa wakaŵachenjezganga iwo za mazuŵa ghaumaliro. Kasi imwe mukukumbukira yayi umo Yesu wakayowoyerza ichi? Milimo ya Wanikolayiti, cheneicho paumaliro chikazgoka

chisambizgo, ndipo pamanyuma chikazgoka bungwe! Wabale, ise tiri mu mdima yayi sono. Kumbukirani, wonani. Apa ise tiri.

¹⁸⁸ Milimo ya Wānikolayiti, bungwe kwambikanga, wāpachanya wākumanyikwa, na kulamuliranga mipinga, na vinyake ntheura, pamanyuma vikanjira mu mpingo wa Katolika. Ndipo Paulos wakayowoya kuti yingāwako yayi nyengo yaumaliro, yingāwako yayi nyengo, mpaka kuwa kufuma ku cheneko, Chipulikano cha chipentekosite. Chipulikano cha chipentekosite chizamumara, ndipo wāpachanya wāzamutora malo. Iwo wāzamkuwā na munthu uyo wazamutora malo gha Chiuta, wazamukhala mu tempile la Chiuta, na kujiwika, iyomwene pachanya pa wānthu wose ngati ntheura. Ndipo, ichi, wonani, kasi ntchichi ichi? Nickao, “kuthereska wānthu wamba.” Mukuwona? “Chose icho chikuchemeka Chiuta; iyo wazamukhala mu tempile lake la Chiuta, ngati Chiuta.” Paulos wakati, “Kuzamkuwā kuwa, chakudankha, mu mazuwā ghaumaliro.” Ndipo ise tiri apa, nkhanira apa sono, ndipo tikukuwona kuwa kula, ndipo tikuwona mpingo ukuruta kutali na kutali ku Ichi, ndipo ukuperera nkhanira kumanyuma. Ndipo ise tiri ku nyengo yaumaliro. Viri makora.

¹⁸⁹ Sono, usange masabata sikisite-nayini ghakukwana makoraghene, ndipo Wayuda wāli mu charu chawo, ndipo muwiro wa mpingo wa Wāmitundu wafika nkhanira ku nyengo yaumaliro, ku nyengo ya Wānikolayiti... panji ku nyengo ya Laodikeya; kasi Kwiza kwa Fumu ndi kufupi uli, umaliro wa vinthu vyose, umaliro wa muwiro uwu, na Mkwatulo? Para Iyo wakwambako waka sabata yira ya nambala sevente, panji virimika seveni, Mpingo mbwenu waruta.

¹⁹⁰ Kasi imwe mukuchiwona ichi, wābwezi? Kwezgani muchanya woko linu usange imwe mukuchiwona ichi. Mukuwona? Sono, tiyeni tileke kuwā wana. Tiyeni tileke kuchitaso masewera. Ise tiri ku nyengo yaumaliro. Chinyake chiri pafupi kuchitika. Ise tiri ku umaliro. Ise tiri apa.

¹⁹¹ Masabata agha sikisite-nayini ghakwana makoraghene; kuruta kwa Wayuda kwakwana makoraghene; muwiro wa mpingo wakwana makoraghene. Ise tiri ku nyengo yaumaliro, nyengo yaumaliro, muwiro wa mpingo wa Laodikeya, umaliro wa uwu. Mathenga ghakumanyikwa ghapharazga uthenga wawo. Uwu waruta. Ise tikusesereka waka. Wayuda wākhala wākuwerera pa virimika fote. Iwo wāli mu charu chawo.

Ntchivichi chichitikenge chakurondezgako? Kwiza kwa Libwe. Apo ise tiri. Kasi ichi chizamuchitika pa nyengo uli? Ine nkhumanya yayi. Kweni, m'bale, kwa ine, ine nkukhumba kuwā wakunozgeka. Ine nkukhumba kuwā na vyakuvwala vyane vyose vyakulongeza.

¹⁹² Sono, ise tiri waka na a—maminiti waka ghachoko chomene, ndipo ine nkukhumbwa kuti imwe mutegherezge mwakachetechete sono miniti pera.

Para Iyo wakwambako waka sabata ya nambala sevente, panji virimika seveni, Mpingo ndikokuti waruta. Sono tegherezgani. Ine nkhuwerezgapo kamozaso, nkhuwerezgapo, mwakuti imwe mureke kuruwa. Ichi ndicho Mzimu Mutuŵa wanguŵika pa chakulembra chane apo ine nailembanga. Ise tiri mu muwiwo wa Laodikeya. Khristu wakukanika na mpingo Wake yekha. Nyenyezi ya muwiwo uwu, Uthenga, wapharazgika. Ndipo Israel wali mu charu chake. Imwe mukuwona apo ise tiri? Ise tiri ku umaliro.

Sono, ndemanga waka yimoza panji ziŵiri zakusazgirapo.

¹⁹³ Vyose ivi sono ivyo ise tikuwona, vitovwirenge ise, mwa uchizi Wake, apo ise tikuyezga kwambako Vidiidimizgo Seveni ivi vyaumaliro. Imwe mukuwona apo ise nthena tanguchiphonyera ichi? Kufumira Chivumbuzi 6:1 kufika Chivumbuzi 19:21, ise nthena tanguchiphonya ichi, chifukwa, wonani, ise nthena tayezganga kuchiŵika ichi kumanyuma *kula*, mu muwiwo uwu wa Wamitundu; uko, imwe wonani, ichi chamara mu muwiwo *uwu*. Mukuwona?

Sono, ise tasimikizgira ichi mwa Mazgu gha Chiuta, na mwa mudauko, na mwa chirichose, na mwa vimanyikwiro na zinyengo, mwa mazuŵa, kuti kulije chinyake chakkhalako. Ise tiri pa umaliro wa Wamitundu. Kasi a—kasi ise tichitenge vichi na ichi? Ndi uzima wane na uzima winu; ndi umoyo wane na umoyo winu; ndi umoyo wa wakutemweka wîthu. Ise takhala tikunyengerereka chomene. Ise takhala tikuŵa na vinthu vinandi chomene mwakuphweka. Ntchiweme ise tiyambe kwenda. Nyengo yamara chomene kuruska umo imwe mukughanaghanira, kumbukirani waka.

¹⁹⁴ Sono, makani ghakuchenusa, usange imwe mukukhumba kuti mulembe ichi. Tegherezgani mwatcheru, chonde. Iyi ndi ndemanga yane yaumaliro, chakurondezgako ku ichi; Ine ndiri na chinthu chichoko apa pamanyuma waka pa ichi, chakulemba chichoko ine nkukhumbwa kuti niyowoye. Sono pumulanipo pachoko waka ndipo tegherezgani mwatcheru, nimupeni chinyake icho ntchakuchenusa, kuti tirute nkhanira mtkati pa ichi. Mukuwona?

Palije mtunda wakukwana nanga ndi kupepefuka kwa chimayi pakatikati pa umaliro wa muwiwo uwu na Kwiza kwa Khristu. Chirichose, kulije chinyake chakkhalako. Kasi Israel wali mu charu chake? Ise tikumanya icho. [Gulu likuti, “Amen.”—Munozgil] Kasi ise tiri mu Muwiwo wa Laodikeya? [“Amen.”] Kasi Uthenga wa muwiwo uwu wa chipentekosite wapharazgika, kuyezga kuti usunkhunyire wânthu wâwerere ku Thumbiko la pakudanga la chipentekosite? [“Amen.”] Kasi

thenga lirilose lafika mu muwiyo, nkhanira ndendende chinthu chenechira? [“Amen.”] Kasi mafuko ghakuwukirana na mafuko? [“Amen.”] Chilengo? Kasi muli njala mu charu muhanyauno, Mpingo uneneska kutchikanga mahandiredi gha makilomitazi kupenjanga kuti ukapulike Mazgu gha Chiuta? [“Amen.”] “Ya chingwa pera yayi, kweni ya kupulika Mazgu gha Chiuta.” Kwizenge njala. Ndi unenesko uwo? [“Amen.”] Chifukwa, ise tikukhala nkhanira mkatikati mwa ichi, nkhanira pano sono. Mukuwona apo ise tiri? Ise tikulindizga Libwe lira.

¹⁹⁵ Makani ghakuchenuska! Kufumira pa nyengo apo Chiuta wakapanga phangano kwa Abraham...Kuphonya yayi ichi. Kufumira pa nyengo apo Chiuta wakapanga phangano kwa Abraham, Genesi 12:3, kufika ku nyengo ya kukanika kwa Khristu mu A.D. 33, na Wayuda; kwakulingana na Wagalatiya 3:16 na 17, na kwakulingana na wa Usher, wa U-s-h-e-r, mudauko wa Usher za Wahebere; nkhongono ya Chiuta yikawa na Wayuda ndendende virimika nayintini handiredi na fifite-foru. Chiuta wakachita na Wayuda virimika nayintini handiredi na fifite-foru, kwakulingana na mudauko wa Wayuda, na kwakulingana na Wagalatiya 3:16 na 17. Ine ndiri na Malemba ghanyake ghanandi, kweni nimupeni waka agho.

Ntheura, para iwo wakati wamukana Khristu, Iyo wakang’anamukira ku Wamitundu, kuti wakatoreko wantru chifukwa cha Zina Lake. Imwe mukukhumba Lemba pa icho, malo? Milimo 15:14.

¹⁹⁶ Sono, kupendanga nyengo, ise tikusanga kuti ise tiri ndendende na (tegherezgani) kwakhala virimika seventini, ndipo ise tiwenge na utali weneula wa nyengo yakupika kwa ise, umo Chiuta wakuchitira na ise mu nkhongono ya Mzimu Mutuwa, kufumira A.D. 33 kufika 1977. Utali weneula wa nyengo, wa virimika nayintini handiredi na fifite-foru, Chiuta wakuchita na ise mwakuyana ngati ndiumo Iyo wakachitira na Wayuda. Mukuti uli apo!

¹⁹⁷ Sono, lembani mu buku linu, Lemba lichoko ine nkhukhumba kuti nimupeni imwe. Leviticus 25, kwamba na vesi 8. Chiuta wakachemeska chikondwerero, chirimika chirichose cha fote-nayini. Chirimika cha fifite chikawa cha chikondwerero. Ise tikumanya icho. Ise tikupulikiska icho. Kufumira pa chikondwerero chakudankha, cha Leviticus 25:8, mu 1977 chizamkuwa chikondwerero cha nambala seventini, kupanga ndendende virimika firi sauzaudi foru handiredi na sate. *Chikondwerero*, chikung’anamura, “Kuruta kuchanya! Kusutuka!”

O, ise tikulindizga kwiza kwa dazi lira
lachimwemwe la Mileniyamu,
Apo Fumu yithu yakutumbikika yizamkwiza
na kutora Mkwatibwi Wake wakulindirira;

O, charu chikutampha, kulirira dazi lira la
 kusutuka kwakunowa,
 Apo Muponoski withu wazamkwizaso ku
 charu chapasi.

¹⁹⁸ Kasi imwe mwangupulikiska icho? [Gulu likuti, "Amen."—Munozgi] Chiuta wachita nase ndendende nyengo yakuyana na Iyo wakachita na Wayuda. Kufumira pa nyengo apo Iyo wakamupira Abraham phangano, kufika pa kumukana Mesiya mu A.D. 33, pakaŵa virimika nayintini handiredi na fifite-foru. Ndipo sono ise takhala na virimika seventini. Ise tikaŵa na pakunji virimika nayintini handiredi na sate-chakuti. Ise takhala na virimika seventini, kuti tifike '77, chizamkuŵa ndendende chikondwerero cha nambala sevente kufumira apo vikayambira vikondwerero. Ndipo kasi ichi chizamkuŵa chivichi? O, m'ba! Laŵiskani mwatcheru sono. Kuphonya yayi ichi. Chizamkuŵa chikondwerero cha kuruta kuchanya cha Mkwatibwi wa Wamitundu, na kwizaso kwa Khristu kwa Muyuda, para iwo wâkufumamo mu umikoli. Amen! Imwe mukuchiwona yayi? Kufumira kulikose mu charu, iwo wawungana kula chifukwa cha dazi lira. O, mwe! Mukuwona apo ise tiri? Ise tikumanya yayi kasi ndi nyengo uli apo ichi chichitikirenge. Ise tiri ku nyengo yaumaliro.

¹⁹⁹ Sono tegherezgani. Kwa imwe wânyengo-zakale muno m—mu tchalitchi, imwe muli kuŵa muno nyengo yitali, ine nkukhumba kuti imwe muwonepo chinyake. Ine nkhaŵa nindachimanye ichi kufika mayiro; ine nkachisanga ichi kufuma kwa wamudauko, Paul Boyd, ndipo pamanyuma... Ndipo ine ndiri kuchirondezga ichi mu Malemba, nkhatora madeti ghanyake agha umu, na vinyake ntheura, ndipo nkachisanga ichi, ndipo nkhayenda nacho ichi, nkachirondezga ichi.

²⁰⁰ Sono, mu 1933, para ise tikasopanga kuno mu tempile la Masonic, apo pali tchalitchi la Khristu muhanyauno. Pa wanu Epuleru mlenji, pambere nkhaŵa nindafumeko ku nyumba... Ine nkhatumbikanga galimoto yane. Ine nkhaŵa na galimoto yikapangika mu '33, ndipo ine nkayitumbikiranga iyi ku mlimo wa Fumu. Ndipo mu mboniwoni, ine nkawona nyengo yaumaliro. Sono wonani umo ichi chiliri chakuchenuska, kale chomene para ine nkhaŵa waka mnyamata. Ndipo imwe mungamanya kulingalira kasi galimoto ya mu 1933 yikawoneka uli, sono, umo iyi yikawonekeranga. Ndipo ine nkharuta kudera kula ku tempile la Masonic, uko... Wanji wâ imwe wânyengo-zakale muno mukukumbukira. Ichi chikalembe pa pepala lakale, ku nyumba. Ichi chiri kudindika kale ndipo chikaruta charu chose zingirizge. Mukuwona? Mula mukawa mu 1933. Ndipo ine nkharoskera kuti kuzamuchitika chinthu chinyake chikuru chakofya ku United States uyu kumanyuma panji

kufika chirimika cha 1977. Kasi mbalinga wakukumbukira ine kuyowoyanga icho? Lawiskani pa mawoko. Nadi.

²⁰¹ Sono wonani, ine nkharoskera vinthu seveni vikawa vichali mu kupangika kwa a... pambere umaliro ukuru uwu undichitike panji chinthu chikuru chindachitike muno mu United States, chinthu chinyake chikuru chakofya.

Ine nkhati, sono kumbukirani, ichi ndi pambere ichi chindayambe, ine nkhayowoya kuti ise tizamkuwa mu Nkhondo Yachiwiri ya Charu. Kasi mbalinga wakukumbukira wakanipulika ine nkuyowoya ichi? Yowoyani, "Amen." [Gulu likuti, "Amen."—Munozgil] Viri makora. Nkhondo Yachiwiri ya Charu! Ine nkhati, "Purezidenti uyo walipo sono..." Ine nkhatora ichi kufuma ku Lemba lakale, kweni, chinthu chakale mayiro, kuti, "Purezidenti uyo ise tiri nayo sono," uyo waka... Kasi mbalinga wakukumbukira kasi waka njani? [M'bale wakuti, "Flanklin Roosevelt."] Flanklin D. Roosevelt. Ine nkhati, "Purezidenti uyo ise tiri nayo sono wazamunjira nanga ndi mu nyengo yachinayi," iyo waka pa nyengo yake yakudanga nyengo yira, "wazamunjira mu nyengo yachinayi, ndipo ise tizamutorekera mu Nkhondo Yachiwiri ya Charu."

²⁰² Ine nkhati, "Mulamuliri wankhaza uyo sono wakuphuka mu Italy, uyo ndi Mussolini, iyo wazamutora ulamuliro. Ndipo iyo wazamuruta ku Ethiopia, ndipo Etghiopia wazamkuwa pa masitepu ghake." Muli wantru muno sono awo wakumanya, kuti kuka gulu la wantru likafika ndipo likimilira, para ine nkhawa na ungano wane mu Redman's Hall kusika kula usiku ula, para ine nkhenera kuruta kusika kula kuti nkhapharazge chira, Redman's Hall, ndipo wakati wamkuniponya kuwaro kwa holo chifukwa cha kuyowoya chinthu chantheura. [Mlongosi Wilson wakuti, "Amen. Uwo mbunenesko."—Munozgil] Enya. Enya. Mrs. Wilson, ine nkhumania iwe ndiwe... Uwo mbunenesko. Para ine nkhati nayowoya chira... Kweni kasi iyo wakachita ichi? "Kweni," ine nkhati, "iyo wazamufika ku umaliro wakukhozga soni," ndipo iyo wakachita. Iyo na mwanakazi uyo waka wachiwiri wake, wakazgoriskikira pasi ndipo wakapayikika pa chingwe mu msewu, na marundi ghawo muchanya, vyakuvwara vyawo kulenderanga pasi. Viri makora, chira chikakwaniriskika.

²⁰³ Ndipo pamanyuma ine nkhati, "Wanakazi wali kuzomerezgeka kuvota. Cheneicho ndi chakukhozga soni chomene pa fuko. Ndipo, mu kuvota, dazi linyake iwo wazamusanka mwanarumi muheni." Ndipo iwo wakachita icho mu chisankho chaumaliro ichi. Mwe, mwe! Foru... (Ine nkhati, "Sayansi yizamutukuka munthowa yakuti...") Yayi, kuno, icho ntchachitatatu. Munigowokere ine.

²⁰⁴ Apa pali chimoza chakurondezgako, kula, chachinayi. Ine nkhati, "Nkhondo yithu tizamkurwa na Germany, ndipo iwo wazamuzenga malo ghakuru chomene ghakonkiriti

na kujivikilira iwoŵene mwenemula, ndipo wîna America wazamusuzgika kutchaya." Chiuta Mwenenkhongono wakumanya, Mweneuyo ine namuyimilira panthazi sono, ine nkawona mbadwa zira za Nazi zikutchaya pa wîna America ngati ntheura, na vinthu, pa chiliŵa chira. Ndipo muli wanyamata wânandi wayimilira muno sono awo wâkawâpo pa Linga la Siegefried, awo wâkumanya icho chikâwako. Ndipo kumbukirani, apo pakaŵa virimika eleveni pambere Linga la Siegefried lindazengeke. Kasi Chiuta ndi muneneska? Kasi Iyo wachali kurosksra vinthu vikuchitika? Wonani. Icho ndi, icho changuâwa chachinayi.

²⁰⁵ Sono chinthu chachinkhonde. "Sayansi yizamutukuka munthowa yakuti mpaka iwo wâzamupanga galimoto iyo nthâa yizamkwendeseka na sigiro. Ndipo galimoto zizamurutilira kupangikanga mukawonekerô kangati sumbi, kufika ku umaliro, nyengo yaumaliro. Ine nkawona banja la Chimerica likwenda kusesereka pa msewu, mu nthowa yisani, wâkwerâ mu galimoto na misana yawo yarazgira uko kukwenera kuŵa sigiro, wâkawoneka ngati kuti wâkaseŵaranga njuga panji makadi." Ndipo tiri nayo iyi. Yiri pa television. *Sayansi Yakutchuka, Maluso, mphanyiko, wose wâli nayo iyi.* Ise tiri nayo galimoto. Iyi yikwendeseka na rimoti kontrolu, na—na sensa. Iwo nthâa wâkwerâ kuŵa na sigiro mu iyi. Kutchera waka chakuzweteskerâ chako ngati ntheura, ngati ndiumo ukudoskerâ foni yako, ndipo galimoto yako yikukutorera iwe nkhanira ku ichi; yingachita ngozi yayi, nesi chinyake, nesi galimoto zinyake. Magineti yikupangiska zinyake zose kukhala kutali na iwe. Mukuwona? Iwo wâli nayo. O, mwe! Ghanaghanani za ichi. Nkharoskerâ virimika sate pambere ichi chikâwâ chindachitike!

²⁰⁶ Sono, icho pamanyuma chikutitorera ise ku kusankhika kwa Purezidenti Kennedy.

Ndipo galimoto iyi kwizanga pa a—pa malo, kupanganga vinthu vinkhonde (kufuma pa vinthu seveni) ivyo vyachitika ndendende.

²⁰⁷ Sono, ine nkharoskerâ, ndipo ndiri kuyowoya, "Ine nkawona mwanakazi wakutchuka wayimilira, wamawonekerô-ghakutowa, wavwara nkhanira vyapachanya vyaufumu vyamawonekerô-ghachesamu." Ndipo ine ndiri na ndemanga yichoko pasi apa, "(Iyo wakaŵa mulamuliri mukuru mu United States; panyake mpingo wa Katolika.)" Mwanakazi, mwanakazi munyake; ine nkhumanya yayi kuti uzamkuŵa mpingo wa Katolika. Ine nkhumanya yayi. Ine ningayowoya yayi. Chinthu chekha pera ine nkawona, ine nkawona mwanakazi, mbwenu kwamara.

²⁰⁸ Kweni ili ndi fuko la mwanakazi. Fuko ili nda nambala satini, mu uchimi. Ili liri na mizire satini, nyenyezi satini. Ili likayamba tumafuko satini. Satini, satini, chirichose ndi satini.

Likuwoneka mu chipatulo 13 cha Chivumbuzi, namoso. Ili ndi satini. Ndipo ili ndi fuko la mwanakazi.

²⁰⁹ Makhoti gha kusuzurana mu America ghakupanga kusuzurana kunandi, na wānakazi wīthu, kuruska mafuko ghanyake ghose. Nkharo mu fuko lithu njakukhira, na kusuzurana, kuruska umo kuliri mu France panji Italy, uko uzaghali uli pa msewu. Ntheura, kweni iwo mbazaghali; wīthu ndi wānakazi wā panthengwa kuyezganga kukhala na wānarumi wānandi, ndipo wānarumi wānandi wākutora kuyezganga kukhala na wānakazi wānyake.

²¹⁰ Mu mafuko uko iwo wākuchita mitala, viri makora kwandaniska na sauzandi. Ndipo, kweni, mitala njiheni, ise tikumanya. Kweni, kuwoneska waka umo ise tiliri wāheni.

²¹¹ Ine ndiri na kachiduswa kumtunda kula kufuma mu nyuzi, uko ichi chikawoneska kuti para wānyamata wīthu wā mu America wākati wāruta sirya la nyanja, mu nkondo yajumphia iyi, kuti kujumphia, ine nkugomezga, kukāwā chamudera mu sevente pa handiredi... Chifukwa, sono, lindizgani miniti pera, ine nkugomezga wākawā wātatu pa wānayi awo wākaruta sirya la nyanja, wākapatika na wāwoli wāwo pambere iwo wākawā wāndawereko. Ndipo mutu ukuru wa makani ghake ukuti, "Ntchichi chachitika ku nkharo za wānthu wīthu wīna America?" Imwe mukukumbukira mukayiwona iyi? Imwe mose mukayiwona, ine nkhusachizga. "Ntchichi chachitika ku nkharo za wānakazi wīthu wīna America?" Magiredara, kugwiranga ntchito kutali na wānarumi wānyake. Ndi fuko la mwanakazi. Kasi ili liwēngé na vichi? Chiuta mwanakazi, panji chiutakazi.

²¹² Sono, ntheura, chira chikati chajumphia, ine nkhang'anamuka ndipo nkhalawiska. Ndipo ine nkawona United States uyu wakuphya ngati wakunyeka, malibwe ghakapuntha. Ndipo uyu wakaphyanga ngati a-mulu wa moto mu vigodo, panji chinyake icho chabuskika waka moto. Ndipo nkhalawiska patali umo ine nkhamanya kulaŵiskira, ndipo uyu wakapuntha. Ndipo pamanyuma mboniwoni yikanileka ine. Vinkonde pa vitatu viri kuchitika... panji vinkonde pa seveni, mphanyiko, viri kuchitika.

²¹³ Ndipo apa chikwiza ndipo chikuwoneska. Ndipo ntheura ine nkharoskera. Ine nthā nkhayowoya kuti Fumu yikaniphalira ine chira, kweni, chiyimilire mlenji ula mu tchalitchi, ine nkhati, "Umo chitukuko..." Ine nkharuta ku umaliro umoza wa chiliŵa chawo, ndipo nkachimbilira ku umaliro unyake wa chiliŵa. Ine nkhati, "Umo chitukuko chikwendera, ine niroskerenge kuti nyengo..." Ine nkhumanya yayi chifukwa icho ine nkhyuyowoyerā ichi. Kweni ine nkharoskera kuti chose ichi chizamuchitika pakatikati pa sono nthēna, 1933, na 1977."

Ndipo kwambula kumanya ichi, Chiuta wakuwumanya mtima wane, ine nkachimanya yayi ichi mpaka mayiro, kuti

1977 ndi chikondwerero, ndipo ndendende nyengo yeneyira yakuyana yafiskika yeneiyo Iyo wakapereka kwa Israel, ndipo chirichose chiri ku umaliro. Ntheura ise tiri ku... Ndipo apa ise tiri ku umaliro wa muwiro, pa kwiza kwa sabata ya nambala sevente. Ise tikumanya yayi nyengo apo Mpingo urutirenge. O, mwe! Kasi ise tingachita vichi, wâbwezi? Kasi ise tiri pochi?

²¹⁴ Kasi imwe mukuwona icho ise tiri sono? [Gulu likuti, "Amen."—Munozgil] Kasi imwe mukuyipulikiska sabata ya nambala sevente ya Daniel sono? ["Amen."]

Wonani, sono, para ise tikuruta mu Vididimizgo ivi na vinthu, kumasulanga Vididimizgo ivi. Chimoza chakudanga chikuwoneka, mukweri pa kavalo mutuŵa, ndipo iyo wali na uta mu woko lake. Muwoneni kasi munthu yura ndinjani. Muwoneni mukweri pa kavalo mutuwulufu yura pamanyuma pake. Mukuwona? Wonani kasi ndinjani uyu, ndipo wonani umo iwo wâkwizira. Wonani wâra handiredi na fote-foru sauzandi wâkwiza. Muwoneni mwali wakupusa yura para iyo wâkwiza. Pamanyuma wonani vinthu vyose ivi vikuchitika, kuvumbukwa kwa Wâdila, Masoka, mizimu yitatu yikazuzi ngati Wâchule. Wonani vinthu vira umo ivi vikukwanira makora mu vilengo vira, ndendende apo ivi vikuvumbukwa. Nyengo yiriyose para Chididimizgo chabanulika, chilengo chikuvumbukwa, ndipo kuparanyika kukwiza. Ndipo wonani icho chikuchitika sono nthena ku umaliro.

²¹⁵ Ndipo, o, wâwoneni wâprofeti wâwatatu aŵa...panji wâprofeti wâwîri aŵa, para iwo wâkwiza uku. Ndipo mkatikati mwa sabata, iwo wâkudumulikako ngati ntheura, ndipo pamanyuma yikwambika Nkhondo ya Armageddon. Ntheura Chiuta wakwamba kuyowoya, Iyomwene, pamanyuma Iyo wakwimirira ndipo wakwamba kurwa. Wâprofeti wâra wâkutimba charu chapasi. Iwo wâkupharazga Žina la Yesu Khristu. Iwo wâkubapatiza munthowa yeneyira. Iwo wâkuchita chinthu chenechira icho wâpentekosite wâkudanga, wawiskewo wâkachita, ndipo wânanidi wâkuŵarondeza iwo. Kweni ilo leneilo likapanga chisazga, bungwe lira, likarutirira kukhilira pasi, ndipo nanga ndi nkhangono ya wâprofeti wâra yikaswa yayi ichi. Ndipo paumaliro iwo wâkati, "Ise tipangenge chose ichi kuŵa bungwe limoza." Ndipo iyo wakuŵikamo (kasi ntchichi ichi?) ukazuzi, Chiroma, kuti chilamulire chinthu chose, icho chikupanga mupasuko. "Ukazuzi uwo ukupanga mupasuko," ukunjizgamo chirichose, "kuleka kujipwererera."

²¹⁶ Kumbukirani, mama muzaghali mulara uyo wakukhala pa chikoko, wavwara ghaswesi ngati ntheura, wakaŵa na mitu seveni na masengwe seveni. Imwe mukukumbukira icho? "Ndipo iyo wakawâna nkhombo mu woko lake, ya kuleka kujipwererera kwa ukazuzi wake." Chira chikaŵa chisambizgo chake icho iyo wakapereka ku wânthu. Ndipo apo ise tiri, wâbale wâne. Ise tiri ku nyengo yaumaliro.

²¹⁷ Mwatwana tuchokotuchoko, ise tikumanya yayi, ise panyake ntha tikhallenge wāmoyo kuti tingizaso usiku uwu. Ise panyake ntha tikhallenge wāmoyo kuti tingazakawonanaso yumoza na munyake. Ine nkhumanya yayi. Kweni, umaliro uli kufupi chomene, umaliro waneng'enera chomene. Apa pali Lemba. Pali waka nkhanira, chakufikapo, chisimikizgo cha m'Malemba.

²¹⁸ Sono, usange chiripo chinyake icho imwe mwangupulikiska yayi, munilembere ine ndipo munimanyiske ine za ichi. Mukuwona? Yowoyani chinyake. Mwaŵabale wānyake imwe kuwaro uko pa matepi, mu vigāwā vinyake, usange chiripo chinyake ine ningamanya kumovvirani imwe, nimanyiskeni ine. Imwe panyake mungasuskana nane, ndipo panyake ine ningasuskana na bungwe linu; imwe yayi, kweni ndondomeko ya bungwe linu. Ine ntha nkhususkana na wānthu wā Katolika. Ine ntha nkuyowoya kuti ine nkhuŵatemwa yayi wānthu wā Katolika, ine nkhuŵatemwa yayi wānthu wā bungwe. Ndicho yayi ichi. Ine nkutemwa wānthu wose, kweni ine nkhususkana na ndondomeko iyo yikumusungani imwe wākukakika. Ichi ndicho, ndondomeko ya ichi. Ndicho ichi.

²¹⁹ Ine nkhimikana na Germany yayi; chikāwā chi Nazism. Ine nkhimikana na wā Italiyana yayi; ichi chikimikana na—Fascism. Ndipo kumbukirani, ine nknapanga kuroskena kunyake mu nyengo yira, kuroskena waka, ndipo wānandi wā imwe wānyengo zakale mukukumbukira ichi. Ine nkhati, “Kuli visambizo vitatu vikuruvikuru vikuyezga kutora nkongono mu charu muhanyauno: Fascism, Nazism, na Communism.” Ndipo kasi ine nkayowoya vichi? “Vyose ivi vizamumalira mu Communism.”

²²⁰ Pamanyuma ine nkakhumba waka kuti niwerezgepo ichi, “W̄ikani maso ghinu pa Russia.” Mukukumbukira icho? W̄ikani maso ghinu pa Russia. Uyu wamalirenge mu Communism.”

Ndipo pamanyuma wose wāzamusazgana, kumalira, mu Chikatolika. Kumbukirani, chose chizamumalira mu Chikatolika mu nyengo yaumaliro. Uwo mbunenesko ndendende. Apo ndi pa Nkhondo ya Armageddon, nkhanira mkatati *umu*, para Khristu wakwiza, Iyomwene.

²²¹ Kweni wāprofeti wātatu aŵa... Virimika vitatu na hafu ivi, mphanyiko, icho ndi Chivumbuzi 11:3, imwe muli kuŵazga ichi nyengo zinandi, “Ine nkuperekwa nkongono ku wākaboni Wane wāwiri, ndipo iwo wāzamuchima mazuŵa sauzandi thu handiredi na sakisite.” Kasi agha ngalinga, mazuŵa sauzandi thu handiredi na sakisite? Virimika vitatu na hafu. “Ndipo pamanyuma iwo wāzamukomekera mu msewu,” nkhanira mkatikati mwa sabata iyi ya nambala sevente.

Ntheura, imwe mukuwona apo pali masabata sevente gha Daniel? Imwe mukuwona apo ise tiri? Ise tiri ku umaliro, wābwezi wane wākutemweka. Ise tiri ku umaliro. Mazuŵa...

Vyaru vikuphwasuka, Israel wawuka,
 Vimanyikwiyo ivyo waprofeti wakachima;
 (Ndise tiri pano.)
 Mazuwa gha wamitundu ghaŵerengeka,
 (Kuno.) na vyakofya vyakujandizga;
 "Wererani, O wakumbininika, ku kwinu."

Tiyeni tiyimbe iyi:

Zuwa la uwombozi laneng'enera,
 Mitima ya wantru yikuchita wofi;
 Zuzgikani na Mzimu, nyali zinu zibuskike
 ndipo ziware,
 Laŵiskani kuchanya! Uwombozi winu
 waneng'enera.

O, mwe! Kasi ntchakuzizisa yayi icho?

Vyaru vikuphwasuka, Israel wawuka,
 Vimanyikwiyo ivyo waprofeti wakachima;
 Mazuwa gha Wamitundu ghaŵerengeka, na
 vyakofya vyakujandizga,
 "Wererani, O wakumbininika, ku kwinu."

Sono pamoza:

Dazi la uwombozi laneng'enera,
 Mitima ya wantru yikuchita wofi;
 Zuzgikani na Mzimu, nyali zinu zibuskike
 ndipo ziware,
 Laŵiskani kuchanya! Uwombozi winu
 waneng'enera.

Rekani ine nimwimbireni imwe vesi lichoko.

Waprofeti watesi wakuteta, Unenesko wa
 Chiuta wakuwukana,
 Kuti Yesu Khristu ndi Chiuta withu;

Iwo wakumupanga Iyo Munthu munyake wachitatu. Imwe
 mukumanya icho. Kweni, Iyo wali yayi. Iyo ndi Chiuta withu.

Kweni ise tiyendenge uko wapostoli wali
 kwenda.

Pakuti zuwa la uwombozi laneng'enera,
 Mitima ya wantru yikuchita wofi;
 Zuzgikani na Mzimu, nyali zinu zibuskike
 ndipo ziware,
 Laŵiskani kuchanya! Uwombozi winu
 waneng'enera.

²²² Ndimwe wakukondwa yayi imwe? Wererani ku Uthenga,
 m'bale! Wererani ku chiyambi! Wererani ku pentekosite!
 Wererani ku thumbiko leneko! Wererani ku Zina la Yesu
 Khristu! Wererani ku ubapatizo wa Mzimu Mutuwa! Wererani
 ku vimanyikwiyo na vyakuzizisa! Wererani ku pentekosite!

Fumaniko ku bungwe! Wererani ku Mzimu Mutuŵa! Iyo ndi Musambizgi withu.

Pakuti zuŵa la uwombozi likuneng'enera,
Mitima ya ūwanthu yikuchita wofi;
Zuzgikani na Mzimu, nyali zinu zibuskike
ndipo ziŵare,
Laŵiskani kuchanya! Uwombozi winu
waneng'enera.

²²³ Ntchakuziziswa yayi icho? Kasi muprofeti wakayowoya vichi? “Yizamkwiza nyengo apo ili lizamkuŵa, imwe mungayowoya yayi usiku panji muhanya.” Wonani umo kuli kuŵirako. Mukuwona? O, ntchachitima chomene, kujumpha mu miwiyo ya mpingo!

Kweni uku—kuzamkuŵa Kuŵara mu nyengo yakumise,
Nthowa ya ku Uchindami muzamkuyisanga nadi;
Mu nthowa ya maji muli Kuŵara muhanyauno,
Kusungika mu Zina lakuzirwa la Yesu.
Ŵanichi na ūlara, rapani zakwananga zinu zose,
Mzimu Mutuŵa wanjirenge nadi;
Kuŵara kwakumise uku kwafika,
Ndi unenesko kuti Chiuta na Khristu ndi Yumoza.

Kuzamkuŵa Kuŵara . . .

Tose pamoza!

. . . mu nyengo yakumise,
Nthowa ya ku Uchindami muzamkuyisanga nadi;
Mu nthowa ya maji muli Kuŵara muhanyauno,
Kusungika mu Zina lakuzirwa la Yesu.
Mwanichi na mulara, rapani kwananga kwinu kose,
Mzimu Mutuŵa wanjirenge nadi.
Pakuti Kuŵara kwakumise kwafika,
Ndi unenesko kuti Chiuta na Khristu ndi Yumoza. (Ntha ūwatatu; kweni Yumoza!)

²²⁴ Wererani ku Uthenga! Wererani ku chiyambi! Wererani ku icho Paulos wakasambizga! Wererani ku ubapatizo uwo iyo wakabapatiza nawo! Iyo wakawona ūwanthu ūkabapatizika munthowa yinyake; iyo wakaŵaphalira iwo kuti ūfrike ūbapatizikeso. Iyo wakati, “Usange Mungelo wangiza kufuma Kuchanya, wapharazge chinthu chinyake, rekani Iyo watembeke.” Ntheura, ndi kuwereraso ku Uthenga, mubwezi! Ndi nyengo yakumise.

²²⁵ O, ine nkhumutemwa chomene Iyo, mukuchita yayi imwe? Kasi mbalinga wakuyiwona sabata ya nambala sevente ya Daniel sono, ndipo wakuwona kasi sabata ya nambala sevente ntchichi? Kasi mbalinga wakugomezga ichi? Yowoyani, "Amen." [Gulu likuti, "Amen."—Munozgi] Amen! Warumbike Chiuta!

²²⁶ Sono, kasi chinthu chakurondezgako ntchivichi? Vididimizgo Seveni sono. Ise tifike nkhanira pa ivyo, para Fumu yitizomerezgenge. Mphauli apo icho chizamuchitikira, ine nkhumanya yayi. Nyengo waka yiriyose para Iyo wakhumba kuchiperekia ichi, mbwenu ise tizamuruta nkhanira mu ichi. Ntheura ise tizamkuwa na utali, ungano utali, chifukwa uwu uzamutora kufuma chipatulo 6 kufika 19, kuti timalizge ichi, ndipo mwakuzikitizga umo ine niliri na ichi.

²²⁷ Sono, ine nkhukhumba yayi munyake waliyose warute wandapulikiske makora ichi. Tepi yichali kwimba. Ine nkhukhumba yayi munyake waliyose watondeke kupulikiska makora. Kutondeka yayi kupulikiska sono, na cuti, "M'bale Branham wakati Yesu wazamkwiza mu 1977." Ine nanguyowoya chinthu chantheura yayi. Yesu wangamanya kwiza muhanyauno. Kweni ine naroskera cuti pakatikati pa '33 na '77 chinyake chingamanya kuchitika, cuti vinthu ivyo ine nkhwawona vikuchitika, mu mboniwoni, vingamanya kuchitika. Ndipo vinkhonde vya ivyo vyachitika kale. Ndipo ine nkhugomezga, na vinthu vya atomiki ivyo ise tiri navyo sono . . .

²²⁸ Ndipo kasi imwe mukawona icho Purezidenti withu wakayowoya? Wakukhumba nkhondo yinyake. Iyo wakukhumba cuti wapange chiyezgerero kufuma ku—kufuma ku Berlin, iyo wakayowoya. Wakakhumbanga cuti wapange chiyezgerero. Mukuti uli za Cuba kuno wa khomo lithu lakuseri? Wakkerekerachi kupanga chiyezgerero kufuma kwa yura? Mukuti uli za icho? O, ndi kupusa kukuru! Mukuwona?

²²⁹ O, m'bale, ise tiri waka ku umaliro. Iwo wachitenge . . . Ichi chichitikenge umo Chiuta wakayowoyeria ichi, ntheura kasi a—kasi phindu ndi vichi kuchitanga chinyake kweni kuwazganga icho Iyo wakayowoya, na kukhalanga makora, na kunozgekeranga ichi. Ndipo rekani iyi yifike, pamanyuma. Ise tikulindizga ichi.

Ise tikulindizga kwiza kwa dazi likuru lira la
Mileniyamu,
Apo Fumu yithu yakutumbikika yizamkwiza
na kutora Mkwatibwi Wake wakulindirira;
O, charu chapasi chikutampha, kuliriranga
dazi lira la kusutuka kwakunowa,
Apo Muponoski withu wazamkwizaso ku
charu chapasi.

O! Fumu yithu yizengeso ku charu chapasi,
 Enya, Fumu yithu yizengeso ku charu chapasi,
 O, Satana wazamukakika virimika sauzandi,
 Ise tizamuŵaso na mutunduli yayi nyengo yira,
 Para Yesu wazamkwizaso ku charu chapasi.

Kasi mbalinga mbakunozgeka? Kwezga woko lako. O, mwe!

O! Fumu yithu yizengeso ku charu chapasi,
 Tiyeni tiyimilire ndipo tikorane chasa yumoza na munyake.

Fumu yithu yizengeso ku charu chapasi,
 O, Satana wazamukakika virimika sauzandi,
 Ise tizamuŵaso na mutunduli yayi nyengo yira,
 Para Yesu wazamkwizaso ku charu chapasi.

O! Fumu yithu yizengeso ku charu chapasi,
 Enya, Fumu yithu yizengeso ku charu chapasi,
 O, Satana wazamukakika virimika sauzandi,
 Ise tizamuŵaso na mutunduli yayi nyengo yira,
 Para Yesu wazamkwizaso ku charu chapasi.

Kwizaso kwa Yesu kuzamkuŵa zgoro ku
 chitima cha charu na kulira,
 Pakuti kumumanya Fumu kuzamuzura mu
 charu chapasi, nyanja na mtambo;
 Chiuta wazamufumiskapo urwari wose ndipo
 masozi ghakusuzgika ghazamuwomira,
 Para Yesu wazamkwizaso ku charu chapasi.

O! Fumu yithu yizengeso ku charu chapasi,
 Enya, Fumu yithu yizengeso ku charu chapasi,
 O, Satana wazamukakika virimika sauzandi,
 Ise tizamuŵaso na mutunduli yayi nyengo yira,
 Para Yesu wazamkwizaso ku charu chapasi.

²³⁰ O, mwe! Kasi imwe mukupulika makora yayi?
 Ghanaghanani, wâbwezi, ichi ndi pentekosite, chisopo! Ichi
 ndi pentekosite. Tiyeni tikuŵe mawoko ghithu ndipo tiyimbe
 iyi. Wantru wa chipentekosite, waliyose, sono masukanî,
 fumiskanîmo uchitiro wa Chimethodist mwa imwe sono.
 Zanine, tiyeni tiyimbe iyi!

O! Fumu yithu yizengeso ku charu chapasi,
 Enya, Fumu yithu yizengeso ku charu chapasi
 Satana wazamukakika virimika sauzandi,
 Ise tizamuŵaso na mutunduli yayi nyengo yira,
 Para Yesu wazamkwizaso ku charu chapasi.

O! Fumu yithu yizengeso ku charu chapasi,
 (Baibolo likuyowoya nttheura!)
 Enya, Fumu yithu yizengeso ku charu chapasi,
 Satana wazamukakika virimika sauzandi,
 Ise tizamuŵaso na mutunduli yayi nyengo yira,
 Para Yesu wazamkwizaso ku charu chapasi.

Kasi imwe mukumutemwa Iyo? Viri makora. Ine nkhumutemwa Iyo. *Ine Nkhumutemwa Iyo*, Mlongosi Gibbs. O, tiyeni tikwezge waka mawoko ghithu sono kwa Iyo.

Nkhumutemwa Iyo, nkhumutemwa Iyo
Chifukwa Iyo wakadankha kunditemwa ine
Ndipo wakagula chiponosko chane (Nkhu?
Nkhanira apa pa Mphinjika.)
Pa Mphinjika.

Nkhumutemwa Iyo, (Uchindami!)
Nkhumutemwa Iyo
Chifukwa Iyo wakadankha kunditemwa ine
Ndipo wakagura chiponosko chane
Pa Mphinjika.



SABATA YA NAMBALA SEVENTE YA DANIEL CTK61-0806
(The Seventieth Week Of Daniel)
MNDANDANDA WA MASABATA SEVENTE GHA DANIEL

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata mlenji, Ogasiti 6, 1961, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2020 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuŵa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyeroy vinyakhe, panji kuligwiriska ntchito pa kupempheskera ndalamu kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org